

Ad usum Fr. Thomæ Hartman S. Ord. Præd.
filii Conventus Augustani . 1775.

LIBELLUS
INFIRMORUM,

Benedictionum

&

Exorcismorum

P. Martini Cochem.



~~Leam. Cochem~~

~~Cochem~~

~~Cochem~~

Ad usum Fr. Thomæ Hartman S. Ord. Præd.
filii Conventus augustani . 1775.

LIBELLUS
INFIRMORUM,

Benedictionum

&

Exorcismorum

P. Martini Cochem.



~~Leona Cochem~~

~~Cochem~~

~~Cochem~~



INFIRMITATIS
HUMANÆ
PRÆSIDIUM.

Sive

*Libellus Infirmorum
Germanico superadditus.*

In quo breviter & practicè traditur

*Quomodo administranda sint Sacra-
menta Infirmis.*

*Deinde, quomodo piè assistendum sit
Moribundis.*

*Tertiò, quomodo devotè orandum
super Agonizantibus.*

Pro coronide addita sunt selectiores

Benedictiones & Exorcismi

*Super infirmis & maleficiatis
dicendi.*

AUTHORE

P. Martino Cochem. Ord. Cap.

Cum Gratia & Privilegio S. Cesareæ Majestatis.



Frankofurti ad Mœnum,
*Sumptibus Joan. Melchioris Bencard,
Bibliopola.*

Facultas Reverendiss. P. Generalis.

Nos F. Carolus-Maria Maceratensis Minister Generalis Capucinorum (licet immeritus) Opus, cui titulus, *Liber Infirmorum*, &c. à P. Martino Cochemensi, nostri Ordinis Exlectore compositum, à duobus Theologis ejusdem Ordinis lectum & approbatum, ut Typis mandari possit, servatis servandis, tenore presentium concedimus. In quorum fidem presentes manu nostra subscriptas, & sigillo Officii nostri obsignatas dedimus. Roma 13. Junii 1685.

Fr. Carolus Maria Generalis.

Facultas Rev. Patr. Vicarii Provincialis.

Lectum, approbatum, & de meliori nota commendatum Librum Infirmorum, ab Admodum Venerando Patre Martino Cochemensi, Ordinis nostri Exlectore conscriptum, ego quoque approbo, & ut Typis vulgari possit, Domino Joanni Melchiori Bencard, Bibliopolæ Francofurtensi Catholico facultatem concedo. In cujus rei fidem propria manu subscribo, & officii nostri sigillo communio. Moguntia 14. Julii, Anno 1685.

(L.S.)

Fr. Alexander Lieferanus, Vicar.
Provincialis Cap. Indig.

Approbatio duorum Theologorum.

Ex ardenti animarum zelo voluit Adm. V. Pater Martinus Cochemensis Capueinus, cum Apostolo 1. Cor. 1. Omnibus omnia fieri, ut omnes lucrifaceret; ideoque factus est in hoc Infirmorum Libello, à se utilissimè conscripto, infirmis infirmus, ut Infirmos lucrifaceret. Quod Opusculum unà cum Benedictionibus & Exorcismis, alias

*alias approbatis, de Mandato Rever. Patris Alexandri,
Rhenana nostra Provinciae Provincialis Vicarii, dili-
genter perlegi, nilq; in eo nisi utile, nisi pium, nisi san-
ctum reperi; ideoq; dignum, ut Typis mandetur judicari.
Datum Moguntiae 4. Julii Anno 1685.*

Fr. Raphaël, Capuc. SS. Theol. Lect.

BEati Mortui qui in Domino moriuntur, ait Apoca-
lypticus Angelus. Ut autem in Domino moriaris, &
æternaliter Beatus evadas, præsentat tibi Adm. V. P. Mar-
tinus Cochemensis, Ordinis nostri Seraphici Fratrum
Capucinorum Prædicator & Animarum Zelator, Me-
thodum & praxin utilissimam, nec non & piissimam.
Quâ si devotè & zelosè ægritudinis tempore usus fueris,
eamq; practicaveris, haud dubiè in Domino morieris,
& æternum beatus evades. Cum igitur eandem ex im-
positione R. P. Alexandri Lieserani, Provinciae nostræ
Vicario Provinciali legerim, nilque fidei orthodoxæ aut
sanis moribus contrarium invenerim, quin potius hæc
illustrare, illosque docere compererim; hinc dignam
censeo, ut obstetricante Prælo, unâ cum Benedictioni-
bus & Exorcismis usitatis, & in diversis locis approbatis,
Lucem videat, & à piis manibus ad manes, exitu proxi-
mos, aut actu ergastulum corporis deferentes, juvandos
teratur, iisque inserviat. Dab. Moguntiae 4. Julii An. 1685.

*Fr. P. Dionysius Luxemburgensis,
Fr. Min. Capucin. Theol. & Con-
cionator Ordinar. licet indignus.*

Censura Censoris Ordinarii.

Ars artium est ars infirmandi & bene moriendi; quam cum egregiè
doceat præsens Tractatus A. V. P. Martini Cochemensis eum, una
cum Benedictionibus & Exorcismis usitatis, & jam olim in diversis
locis approbatis, imprimi permitto. Moguntia 21. Maij 1685.

*Quirinus Kunckel, Officialis
Mogunt. Librorum Censor.*

PRIVILEGIUM CÆSAREUM.

NOS LEOPOLDUS Dei gratiâ electus Rom. Imperator, semper Augustus: Germaniæ, Hungariæ, Bohemiæ, Dalmatiæ, Croatiæ, Sclavoniæ &c. Rex. Archidux Austriæ, Dux Burgundiæ, Styriæ, Carniolæ, Craniæ & Wittenbergæ, Comes Tyrol. &c. Hisce præsentibus omnibus & singulis notum facimus. Cum Rev. dilectus nobis Fr. Jovita Burgundus Sacerdos, Ordinis Capucinorum Diffinitor Generalis humiliter exposc-
nit, plures Patres præfati Ord. Capucinorum, tam in hæreditariis nostris regnis, Principatibus & Provinciis, quã in Rom. Imperio, diversa opera, Conciones, & alias pias materias conscripsisse, in similibus conscribendis perseverare, & eadem auxiliante Deo ad utilitatem Ecclesiæ Cathol. in lucem edere desiderare. Cum autem non facile tales Typographi inveniantur, qui suis propriis sumptibus similia opera imprimere valeant: aut licet aliqui sint qui id ipsum valeant, attamen Reimpressionem aliorum timere habeant, nisi tali temeritati Cæsareâ nostrâ Authoritate obvictur: Nos idcirco humillimè implorans & rogans, ut Ord. Capucinor. Cæsareum nostrum Privilegium impressorium impertiri gratiosè dignaremur. Considerantes igitur humillimam illam supplicationem, ponderantesq; graves illos & Reipublicæ Christianæ plurimum utiles labores jam impensos & deinceps impendendos, concessimus præfato Patri Ord. Cap. Generali Diffinitori, & cuicunq; pro tempore existenti Provinciali in Germania gratiam illam & Privilegium nostrum impressorium. Notificamusq; id ipsum per has præsentibus, & serio mandamus omnibus & singulis nostris & Imperii, itemq; hæreditariorum nostrorum Regnorum, Principatuum & Provinciarum subditis Clericis & Laicis, maximè vero omnibus Typographis, Bibliopolis, & rem librariam quoquo modo exercentibus, ubicunq; sive in- sive extra Imperium commorantibus; volumusq; ne vos, aut quisquam vestrum, aut sub no-
mine

mine vestro de omnibus & singulis libris à P. P. Capucinis
compositis aut deinceps componendis & imprimendis,
ullum sive integrum, sive divisum reimprimatis, nec ita
reimpressum distrahatis, circumferatis aut divendatis,
nec aliis id ipsum facere ullo modo permittatis, sub pœ-
na viginti marcarum auri: quas quilibet, quotiescunq;
temere contrafecerit, ex dimidia parte nostræ Imperiali
Camera, alteram vero dimidiam partem Ordini Capuci-
norum ad pios usus irremissibiliter solvere obligatus sit:
nisi specialem licentiam aut consensum à modernis aut
subsecuturis P. P. Provincialibus obtinuerit. Insuper man-
damus & volumus, quod si quis modò aut deinceps præ-
fatum necessarium consensum aut licentiam super præ-
fatis Capucinatorum libris obtinuerit, ille, vel illi memora-
rum consensum unà cum Censura & Approbatione sin-
gulis libris apponant: nec minus ad secundam Editionem
de omnibus & singulis libris ad nostram Imperialem
Canceleriam ad minimum quatuor Exemplaria suis
sumptibus mittere teneantur. Sub pœna nostræ Cæsareæ
disgratiæ & præfatae punishmentis, nec non amissionis e-
jusdem Editionis: quam quilibet P. Provincialis Ord.
Capuc. auxilio cujuslibet loci Superioribus, ubi similia
opera apud quemlibet vestrum invenerit, statim propriâ
authoritate, sine impedimento cujuscunq; ad usum suæ
Provinciæ requirere, & juxta beneplacitum suum de iis-
dem disponere valeat. Autoritate harum Sigillo nostro
Cæsareo signatarum. Datum Laxemburgi 7. Maij 1674.
Regnorum nostrorum, Romani 16. Hungarici 19.
Bohemici 18.

LEOPOLDUS.

(L.S.)

Leopold. Wilh. Comes de Königsegh.

Ad mandat. S. Cæs. Maj. propr.

Wilhelm. Schröder.

PRÆFATIO AUTHORIS.

Libello illi meo Germanico, Lector benevole, idcirco & hunc Latinum superaddere volui; ut opella huic nihil deesset: atq; Infirmarii, si quando Sacerdotibus & Dominis secularibus in infirmitate Sacramenta ministrare, & agonizantibus succurrere debeant, & has Latinas in promptu haberent. Quas tamen non tam fusè, uti illas, ponere visum fuit: eò quod tales Domini plerumq; semetipsos juvare, aut copiosas preces mixtus affectare soscant. Siquis autem copiosiores desiderat, ex Germanica Editione supplere poterit. Ego enim non indecorum, sed adificatorium iudico, secularibus Dominis, ob circumstantes, interdum devotam Germanicam precem prælegere; aut eisdem Germanica suspiria suggerere. Imo id ipsum etiam apud Clericos & Religiosos locum habet, cum vernacula nostra sit nobis connaturalior & fluidior. Suscipe ergo Lector benevole, Libellum hunc, quem pro tua utilitate & commoditate conscripsi, & fruens labore illo meo, licet simplici stylo digesto, (nam talem devotio appetit) tuis mihi miserrimo precibus succurrere; ut & ipse, qui infirmitatis humana præsidium tibi & aliis afferre intendendo, in infirmitate mea lethali ab illo infirmitatis humana SINGVLARI PRÆSIDIO adjuvari, & felicem finem tuis precibus consequi merear. Vale. Scribebam Dieburgi 1. Maij 1685.

P. Martinus Cochem.
Capuc. indigniss.

Sum-



Summa Privilegii-Cæsarei.

Juxta tenorem hujus Privilegii Ego infra scriptus Ordinis Fratrum Minorum S. Francisci, Capucinorum Provinciae Rhenanae Vicarius Provincialis, Concedo Licentiam Domino Ioanni Melchiori Bencard, Bibliopola Francofurtensi Catholico, ejusq; Hæredibus, imprimendæ Librum Infirmorum, oder / Das Grosse Francken-Buch genant / cum adjunctis Benedictionibus & Exorcismis, in quovis Idiomate & formato, cum, & sinè figuris æneis, aut ligneis; ab Adm. Vdo Patre Martino Cochemensi, Ordinis nostri Capucinorum Provinciae Rhenanae Predicatore, compositum, ad decennium; ita, ut infra prædictum Tempus, à die impressionis absolute & perfectæ computando, nullus infra Sacri Romani Imperii Fines, & Cæsarea Majestatis Provincias hereditarias, illum, velex parte, vel ex toto, imprimere, vendicare, aut ex supra-dicto libro quiaquam, ipso etiam Authore Consentiente, sinè speciali consensu præfati Domini Ioannis Melchioris Bencard, ejusq; Hæredum, extrahere, mutare, mutuare, furtumq; suum facere ausit, nî taxatas in Privilegio Cæsareo universali pœnas gravissimas velit incurrere. In cujus rei fidem propriâ manu subscribo, & officii nostri Sigillo communitio. Dabam Moguntia 14. Julii 1685.

F. Alexander Lieseranus, Rhenanae
Provinciae Vicarius Provincialis,
Cap. Indig.



LIBELLUS
INFIRMORUM
LATINUS.

Modus ministrandi Viaticum.

Sacerdos cubiculum infirmi ingressus dicat :
Pax huic domui.

Resp. Et omnibus habitantibus in ea.

*Deinde cum ciborio det benedictionem infirmo nī-
hil dicens, quia Christus ipsemet benedicit. Deposito ci-
borio aspergat infirmum & circumstantes Aquā bene-
dictā dicens Antiph.*

Asperges me. Vers. Miserere. Gloria Patri &c.

Repet. Asperges. Deinde dicitur, Oremus.

Visita quæsumus Domine habitationem
istam, & omnes insidias inimici ab eā lon-
gè repelle: adsint Angeli tui sancti, qui me mi-
nistrum tuum adjuvent, & infirmum famulum
tuum in verā fide custodiant.

Exaudi nos Domine sancte Pater omnipo-
tens, æterne Deus, & mittere digneris san-
ctum Angelum tuum de cœlis, qui custodiat at-
que defendat infirmum hunc, & omnes habi-
tantes in hoc habitaculo. Per Christum.

Sacerdos infirmo alicui Sacerdoti aut Domino seculari Viaticum daturus, non præsupponat eundem, utpote satis prudentem, sese ad ipsum sufficienter præparasse; cum experienciâ constet, eundem ob debilitatem capitis, variasq; angustias id ipsum non tam bene posse uti sanus poterat. Idcirco eum hoc vel simili modo alloquatur.

Exhortatio ad Infirmum.

Reverende (aut Dilecte) Domine, cum benignissimus DEUS infirmitatem hanc Reverentia (Dominationi) suæ pro salute sua immiserit: idcirco optimè fecit Sacramenta Ecclesiæ maturius desiderando: ut per eadem in gratia Dei confortetur, & cum majori fructu infirmitatem suam perferat. Attuli igitur suæ Reverentia (Dominationi) sacrosanctum Altaris Sacramentum, verum scilicet corpus & sanguinem Domini nostri Jesu Christi: quod ipsi tanquam optimum pro corporis & animæ salute remedium, devotè ministrabo. Ut autem id ipsum eò dignius suscipiat, elevet mentem suam in Deum, atq; unâ mecum sequenti Oratione dilectum suum Jesum hic personaliter præsentem invocet.

Oratio ante Viaticum.

Plissime Jesu, ego corpore & anima infirmus, desidero sacratissimum corpus & sanguinem tuum, tanquam Viaticum suscipere: & per id ipsum animam meam ad iter illud arduum æternitatis munire. Cum ergo hæc sacra Com-

munio forte sit ultima, quam in hac mortali vita suscepturus sum: idcirco rogo ut per tuam gratiam etiam sit efficacissima omnium, quas in tota vita mea suscepi. Fateor me vere esse indignissimum hoc tremendum Sacramentum suscipere: nec me posse ullo modo ad id ipsum dignè præparare: deprecor igitur te, mi Jesu amantissime, dignare peccatricem animam meam tibi ipsi præparare, & dignum tuæ Majestati habitaculum in ea construere. Ablue eam amarissimis lachrymis tuis: emunda eam sanguineo sudore tuo: purifica eam sacrâ aquâ lateris tui: sanctifica eam asperzione divini sanguinis tui: imbue eam spiritu devotionis tuæ: orna eam sacratissimis virtutibus tuis: dita eam copiosissimis meritis tuis: & accende eam ardentissimâ charitate tuâ. Ut tot & tantis virtutibus ornata, fiat tibi jucundissimum habitaculum, in quo æternaliter delecteris habitare. Ecce ego accedo ad te cum maxima cordis contritione: cum verissima indignitatis meæ agnitione: cum profundissima humilitate & reverentia: & cum ardentissimo te suscipiendi desiderio. Suscipe me igitur cum omni benignitate & charitate tua: & da ut per gratiam tuam te ipsum, ut efficacissimum animæ meæ Viaticum, dignissimè suscipiam. Amen.

Dicto, Confiteor, Misereatur, &, Ecce Agnus Dei, &c. Sacerdos dicat :

Credis quod hic sit Christus Salvator tuus. Quo respondente : Credo firmissimè; det ei Sacram. dicens.

Accipe Frater charissime Viaticum corporis Domini nostri Jesu Christi : qui te custodiat ab hoste maligno , & perducatur in vitam æternam. Amen.

Sacerdos ablutis digitis, & infirmo datâ ab- lutione genuflexus dicat :

O Sacrum convivium, in quo Christus sumitur; recolitur memoria passionis ejus: mens impletur gratiâ: & futuræ gloriæ nobis dignus datur. *Kyrie eleyson. Christe eleyson. Kyrie eleyson. Pater noster.*

Vers. Et ne nos inducas in tentat. &c.

Vers. Salvum fac servum tuum.

Resp. Deus meus sperantem in te.

Vers. Mitte ei auxilium de Sancto.

Resp. Et de Sion tuere eum.

Vers. Esto ei Domine turris fortitudinis.

Resp. A facie inimici.

Vers. Nihil proficiat inimicus in eo.

Resp. Et filius iniquitatis non apponat nocere ei.

Vers. Domine exaudi. Vers. Dominus vobiscum.

Oremus.

Domine sancte Pater omnipotens æterne Deus, te suppliciter deprecamur: ut accipienti fratri nostro sacrosanctum corpus Domini nostri Jesu Christi Filii tui; tam corpori quam animæ pro sit ad remedium sempiternum. Qui tecum vivit & regnat.

Oremus.

Concede hunc famulum tuum, quæsumus Domine Deus, perpetuâ mentis & corporis sanitate gaudere: & gloriosâ beatæ Mariæ semper Virginis, omniumque Sanctorum intercessione à præsentī liberari tristitiâ, & æternâ perfrui lætitiâ.

Omnipotens sempiterne Deus, salus æterna credentium, exaudi nos pro famulo tuo infirmo deprecantes, & misericordiæ tuę auxilium implorantes; ut redditâ sibi sanitate gratiarum tibi in Ecclesia tua referat Actiones. Per Dom.

Hic surgens & conversus ad infirmum dicit:

Exaudiat te Dominus in die tribulationis: protegat te nomen Dei Jacob.

Mittat tibi auxilium de Sancto: & de Sion tueatur te.

Tribuat tibi secundum cor tuum: & omne consilium tuum confirmet.

Impleat Dominus omnes petitiones tuas: & exaudiat te de cœlo sancto suo. Gloria Patri & c.

Hic

Hic ponat manum super caput infirmi dicens :

Super ægros manus imponent, & bene habebunt. Jesus, Mariæ Filius, mundi salus & Dominus, meritis & precibus omnium Sanctorum suorum sit tibi propitius, & restituat te pristinae sanitati. Amen.

Bene ✠ dicat tibi Dominus & custodiat te. Ostendat Dominus ✠ faciem tibi, & misereatur tui. Convertat Dominus ✠ vultum suum ad te, & det tibi pacem. Benedicat tibi Dominus, & liberet te ab omnibus malis. Amen.

Hic aspergat eum Aquâ bened. dicens :

Per asperisionem pretiosissimi sanguinis Domini nostri Jesu Christi, & per virtutem amarissimæ Passionis & mortis suæ purificet Dominus animam tuam ab omni macula, & liberet te ab omni tentatione Diabolicâ. In nomine Patris ✠ & Filii & Spiritus S. Amen.

Hic Sacerdos infirmum hoc modo alloquatur :

Dilecte Domine, cum jam dulcissimum Jesum suum personaliter in corde suo contineat : invocet ergo eum fiducialiter, & proponat ipsi necessitates suas, unâ mecum dicendo :

O Mi amantissime Jesu, adoro, saluto & veneror te : tibi quæ toto cordis mei affectu gratias ago, quod ad me miserrimum venire dignatus sis. Cum igitur te personaliter in corde meo contineam, hinc eò fiducialius te invocabo,

cabo, summamque miseriam meam indicabo. Ecce hic jaceo coram te, sicut Hydropicus ille Evangelicus, corpore & anima infirmus: atque cum eadem fiducia, quâ ille te invocavit, invo-
co te ut miserearis mei. Dic ergo mihi, sicut dixisti illi: *Confide fili, remittuntur tibi peccata tua: tolle grabatum tuum, & vade in domum tuam.* O mi dulcissime Jesu, si mihi illam præstares gratiam, æternaliter tibi desuper gratus forem. Præsta mihi igitur hanc misericordiam, & per sumptionem hujus efficacissimi Sacramenti libera me ab infirmitate mea. Si vero id ipsum mihi non foret salutare, saltem sana animam meam majori infirmitate gravatam. Conforta eam per virtutem hujus divinissimi Sacramenti, contra omnes tentationes & incur-
sus Satanæ; & sit mihi hujus sacratissimi Viatici sumptio, digna præparatio ad iter æternitatis ingrediendum. Sacer sanguis tuus, quem sumpsi, abluat animam meam ab omni macula: & divina caro tua, quam gustavi, confortet me in tua gratia. Ut deinceps totus tibi vivam, & tuam misericordiam vivus & moriens semper obtineam. Amen.

Demum Sacerdos cum Ciborio det infirmo benedictionem, nihil dicens: & reverenter illud deferens dicat Psalm. Laudate Dominum de cœlis.

In Ecclesia posito Sacramento super Altare genuflexus dicat :

Vers. Panem de cœlo præstitisti eis.

Resp. Omne delectamentum in se habentem.

Qremus.

DEUS qui nobis sub Sacramento mirabili passionis tuæ memoriam reliquisti : tribue quæsumus ; ita nos corporis & sanguinis tui sacramenta mysteria venerari, ut redemptionis tuæ fructum in nobis jugiter sentiamus. Qui vivis.

Surgens det cum Sacramento benedictionem populo nihil dicens.



De extrema Unctione.

Sacramentum hoc mira virtutis est : roborat enim animam contra tentationes damonis in morte, delet reliquias peccatorum, tollit pœnas restantes, & aliquando etiam confert sanitatem corporis, si infirmo expediât. Vnde cum omni aviditate id maturius expetendum, & cum omni devotione accipiendum est.

Tenetur quoq; Parochus sub peccato mortali dare iis, qui expetunt, si sine periculo vitæ potuerit. Nec solum adultis, verum etiam pueris, ratione utentibus, & absolutionis capacibus ; licet nunquam communicaverint, tenetur id ipsum conferre. Quia & illis valde utile, imo & necessarium est, ad consequendos supradictos effectus.

Preces quoq; ab Ecclesia in Sacramenti hujus collatione ordinatas, tenetur Parochus persolvere, nisi imminet

neat

neat periculum mortis. At si post Vnctionem aliquandiu supervixerit, tenetur omissas preces supplere, ut ajunt Casuista, apud Bassaum & Busenbaum.

Modus ministrandi

Sacramentum extremæ Vnctionis.

Sacerdos cum S. Oleo intrans cubiculum infirmi dicat :

PAx huic domui. *Resp.* Et omnibus habitantibus in ea.

Tum aspergens infirmum dicat.

Asperges me Domine. Ps. Miserere. *Vers.* Gloria Patri. Asperges me. Domine exaudi. Dominus vobiscum. Oremus.

PRæsta nobis quæsumus Domine per hujus aquæ aspersionem sanitatem mentis, integritatem corporis, tutelam salutis, securitatem spei, & corroborationem fidei hic & in æternum. Per Christum Dominum nostrum. Amen.

Vers. Adjutorium nostrum. Dominus vobisc. Oremus.

INtroeat quæsumus Domine Jesu Christe, domum hanc sub nostræ humilitatis ingressu æterna felicitas, divina prosperitas, serena lætitia, charitas fructuosa, sanitas sempiterna. Effugiat ex hoc loco accessus Dæmonum : adsint Angeli pacis : domumq; hanc deferat omnis mala discordia. Magnifica super nos Domine nomen S. tuum, & sanctifica nostræ humilitatis ingressum.

sum. Qui sanctus & pius es , & permanens cum Patre & Spiritu S. in sæcula sæculorum. Amen.

Oremus & deprecemur Dominum nostrum Jesum Christum, ut benedicendo benediciat hoc tabernaculum , & omnes habitantes in eo. Get eis Angelum bonum custodem , & faciat eos sibi servire, ad considerandum mirabilia de lege sua. Avertat ab eis omnes contrarias potestates: eripiat eos ab omni formidine & perturbatione: ac sanos in hoc tabernaculo custodire dignetur. Qui cum Patre & Spiritu sancto vivit & regnat Deus in sæcula sæculorum. Amen. Oremus.

EXaudi nos Domine sancte, Pater omnipotens, æterne Deus : & mittere digneris sanctum Angelum tuum de cœlis , qui custodiat, foveat, protegat, visitet atq; defendat omnes habitantes in hoc habitaculo. Per Christum Dominum nostrum. Amen.

Antequam Sacerdos incipiat inungere infirmum, abloquatur eum hoc aut simili modo.

Dilecte Domine : noverit sua Reverentia (Dominatio) Sacramentum Extremæ Unctionis idcirco à Christo institutum esse; ut sit ultimum remedium salutis nostræ: quando scilicet omnia alia humana remedia recuperandæ sanitatis sunt desperata. Unde cum fiducia

fiducia oportet ad illud recurrere, & cum omni desiderio tanquam efficacissimum unguentum nobis applicari facere. Delet enim reliquias peccatorum: tollit pœnas restantes, & roborat animam contra tentationes dæmonum in morte subeundas. Quare cum omni devotione efficacissimum hoc Sacramentum suscipere conetur, Deumque enixè precetur, ut non solum Sacramentum, verum etiam gratiam Sacramentalem, & virtutem ejus mereatur suscipere. Jungat ergo preces suas precibus nostris: & tam sub Litanis quam sub ipsa Vnctione amoroso suspirio suspiret ad DEUM & ad Sanctos ejus, ut Sacramentum hoc dignissimè suscipiat, & effectum ejus tam in corpore, quam in anima experiatur.

Desideratne ergo hoc Sacramentum suscipere? *Resp.* Desidero.

Habetne etiam verum dolorem de peccatis suis? *Resp.* Habeo.

Peritne etiam ignosci sibi ab iis, quos unquam offendit. *Resp.* Toto corde peto, & doleo quod unquam aliquem offenderim.

Dicat ergo, Confiteor, &c. Si ipse nequeat, dicat loco ejus minister, & Sacerdos dicat super eum Misereatur. Indulgentiam, &c.

Postea genuflexus dicat Litanias.

KYrie eleyson. Christe eleyson. Kyrie eleyson.
Christe

Christe audi nos. Christe exaudi nos.
Pater de cœlis Deus. Misere ei.
Fili Redemptor mundi Deus. Misere ei.
Spiritus sancte Deus. Misere ei.
S. Trinitas unus Deus. Misere ei.
S. Maria. Ora pro eo.
S. Dei genitrix. Ora pro eo.
S. Virgo virginum. Ora pro eo.
S. Michaël. Ora pro eo.
S. Gabriel. S. Raphael. Ora pro eo.
Omnes SS. Angeli & Archangeli.
Omnes SS. Throni & Dominationes.
Omnes SS. Principatus & Potestates.
Omnes SS. Virtutes cœlorum.
Omnes SS. Cherubim & Seraphim.
Omnes SS. Patriarchæ & Prophetæ.
Omnes SS. Apostoli & Evangelistæ.
Omnes SS. Martyres & Confessores.
Omnes SS. Monachi & Eremitæ.
Omnes SS. Virgines & Viduæ.
Omnes SS. Infantes & Innocentes.
Omnes SS. Pœnitentes & Confitentes.
Propitiusesto. Parce ei Domine.
Propitius esto. Exaudi nos Domine.
Ab omni malo. Libera eum Domine.
Ab omni peccato. Libera eum Domine.
Ab ira tua. Libera eum Domine.
A morbo malo. Libera.

Ab Infidiis Diabol.

A tentatione diabolica.

Ab omni immunditia cordis.

A subitanea & improvisa morte.

A morte perpetua.

Per myſterium S. Incarnationis tuæ.

Per dulciſſimam Nativitatem tuam.

Per amabilem Infantiam tuam.

Per ſacram vitam tuam.

Per labores & dolores tuos.

Per agoniam & dereliſtionem tuam.

Per flagellationem & coronationem tuam.

Per bajulationem & crucifixionem tuam.

Per mortem & ſepulturam tuam.

Per Reſurrectionem & Aſcenſionem tuam.

Per Adventum Spiritus ſancti paracleti.

In die Judicii. Libera eum Domine.

Peccatores. Te rogamus audi nos.

Ut ei parcas. Te rogamus audi nos.

Ut ei indulgeas. Te rogamus.

Ut pacem & ſanitatem ei dones.

Ut ſpatium & locum pœnitentiæ ei dones.

Ut omnes cogitationes pravas ab eo auferre
digneris.

Ut illicitas voluptates ab eo repellere digneris.

Ut gratiam Sancti Spiritus cordi ejus infundere
digneris. (dones.

Ut pœnitentiam & cordis compunctionem ei

Ut re-

Ut remissionem omnium peccatorum suorum
ei tribuas.

Ut eum à Lecto ægritudinis tuâ potentiâ erigas.

Ut insidias Diaboli conteras.

Ut nos exaudire digneris.

Fili Dei. Teregamus audi nos.

Agnus Dei qui tollis peccata mundi.

Parce ei Domine.

Agnus Dei qui tollis peccata mundi.

Exaudi nos Domine.

Agnus Dei qui tollis peccata mundi.

Miserere ei Domine.

Christe audi nos. Christe exaudi nos.

Kyrie eleyson. Christe eleyson. &c.

Pater noster, &c. Et ne nos.

Domine exaudi. Dominus vobiscum.

Oremus.

R Espice Domine propitius super hunc famulum tuum, & opem ferre dignare super lectum doloris ejus. Impone manum tuam manui nostræ, & impera ægritudini ejus, nec nostram peccatorum dextram spernat infirmitas; sed ad invocationem tui nominis vereatur & fugiat; ut sanitati pristinæ restitutus exurgat, & sanctæ Ecclesiæ tuæ præsentetur incolumis. Per Christum Dominum nostrum, Amen.

Hic Sacerdos surgat, & sacram pixidem in manus accipiens, faciat tres cruces super infirmum dicens:

IN nomine Pa⁺tris, & Fi⁺lii, & Spiritus ⁺sancti. Amen.

Hic imponat manum super caput ejus dicens.

EXtinguatur in te omnis virtus diabolica per impositionem manuum nostrarum, & per invocationem omnium Sanctorum, Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum atque omnium simul Sanctorum. Amen.

Hic inungat oculos dicens.

Per istam sanctam Unctionem ⁺& suam piissimam misericordiam, indulgeat tibi Dominus quidquid deliquisti per visum. Amen.

Ad aures.

Per istam sanctam Unctionem ⁺& suam piissimam misericordiam, indulgeat tibi Dominus quidquid deliquisti per auditum. Amen.

Ad nares.

Per istam sanctam Unctionem ⁺& suam piissimam misericordiam, indulgeat tibi Dominus, quidquid deliquisti per odoratum. Amen.

Ad os, compressis labiis.

Per istam sanctam Unctionem ⁺& suam piissimam misericordiam, indulgeat tibi Dominus quidquid deliquisti per gustum & locutionem. Amen.

Ad manus ambas.

Per istam sanctam Vnctionem ✠ & suam
piissimam misericordiam, indulgeat tibi Domi-
nus, quidquid deliquisti per tactum. Amen.

Ad ambos pedes.

Per istam sanctam Vnctionem ✠ & piissi-
mam suam misericordiam, indulgeat tibi Do-
minus, quidquid deliquisti per incesum pe-
dum. Amen.

Lotis manibus Sacerdos genuflexus dicat.

KYrie eleyson. Christe eleyson. Kyrie eleyson.
Pater noster. *Vers.* Et ne nos, &c.

Vers. Salvum fac servum tuum.*Resp.* Deus meus sperantem in te.*Vers.* Mitte ei Domine auxilium de sancto.*Resp.* Et de Sion tuere eum.*Vers.* Esto ei Domine turris fortitudinis.*Resp.* A facie inimici.*Vers.* Nihil proficiat inimicus in eo.*Resp.* Et fili⁹ iniquitatis nō apponat nocere ei.*Vers.* Domine exaudi. Dominus vobiscum.

Oremus.

Domine DEUS, qui per Apostolum tuum
Jacobum locutus es: Infirmatur quis in
vobis? inducat presbyteros Ecclesiæ, & orent
super eum, ungentes eum oleo in nomine Do-
mini: & oratio fidei salvabit infirmum: & alle-
viabit eum Dominus: & si in peccatis sit, remit-

B

tentur

rentur ei. Cura quæsumus redemptor noster gratiâ Sancti spiritus labores istius infirmi, ejusque sana vulnera, & dimitte peccata : atq; dolores cunctos mentis & corporis ab eo expelle, plenamq; interius & exterius sanitatem misericorditer re. de : ut ope misericordiæ tuæ restitutus ad pristina reparetur officia. Qui cum Patre & Spiritu S. vivis & regnas, &c.

Oremus.

Respice quæsumus Domine famulum tuum in infirmitate sui corporis fatiscentem : & animam refove quam creasti ; ut castigationibus emendatus, continuò se sentiat tuâ medicinâ salvatum. Per Christum Dominum nostrum. Amen.

Oremus.

Domine sancte, Pater omnipotens, æterne Deus, qui benedictionis tuæ gratiam ægris infundendo corporibus, facturam tuam multiplici pietate custodis, ad invocationem tui nominis benignus assiste ; ut famulum tuum ab ægritudine liberatum, & sanitate donatum dexterâ tuâ erigas, virtute confirmes, potestate tuearis, atq; Ecclesiæ tuæ sanctæ cum omni desideratâ prosperitate restituas. Per Dnm. nostrum.

Vers. Dominus opem ferat illi super lectum doloris ejus : universum stratum ejus versasti in infirmitate ejus.

Ego dixi, Domine miserere mei ; sana animam
eam quia peccavi tibi.

Ex.

Exaltetur manus tua Domine: ne obliviscaris pauperum tuorum in finem.

Tibi derelictus est pauper: Orphano tu eris adiutor.

Desiderium pauperum exaudivit Dominus, præparationem cordis eorum audiet auris tua.

Mirifica misericordias tuas, qui salvos facis sperantes in te. Gloria Patri.

Propitietur Dominus cunctis iniquitatibus tuis. *Resp. Amen.*

Et sanet omnes languores tuos. *Resp. Amen.*

Redimatq; de interitu vitam tuam. Amen.

Et faciat in omnibus bonis desiderium tuum.

Resp. Amen.

Dominus Jesus Christus apud te sit, ut te defendat. Intra te sit, ut te reficiat. Circa te sit, ut te confervet. Ante te sit, ut te deducat. Post te sit, ut te confortet. Super te sit, ut te muniat & benedicat. Spiritus S. descendat super te, & maneat semper tecum. Amen.

Demum Sacerdos alloquatur infirmum hoc aut simili modo.

Reverende (Dilecte) Domine, jam maximas agat Deo gratias, quod ipsi concesserit hoc salutare Sacramentum suscipere, & per virtutem ejusdem in gratiâ Divinâ corroborari. Dicat ergo una mecum hoc vel simili modo:

Plissime JESU, ex toto corde meo ago tibi

gratias, quod dignatus sis mihi hoc Sacramentum conferre, meque virtutis ejusdem participem facere. Obsecro igitur te, ut per illud ipsum digneris mihi peccata mea remittere, reliquias peccatorum tollere, pœnas debitas condonare, contra tentationes Diabolicas roborare, & in gratia tua confirmare. Et siquidem tibi placitum, mihi que salutare fuerit, pristinam sanitatem reddere: aut certè felicem finem concedere. Quod mihi præstare digneris propter infinitam bonitatem & misericordiam tuam: & per merita amarissimæ Passionis & mortis tuæ. Amen.

Hic det ipsi crucem osculandam dicens.

Hanc sacram Crucem, tanquam scutum contra adversarios in manus accipiat, sæpius devotè exosculans dicat:

Adoramus te Christe & benedicimus tibi, quia per S. Crucem tuam redemisti mundum.

Salvator mundi salva me, qui per crucem & sanguinem tuum redemisti me: auxiliare mihi, te deprecor Deus meus.

Dulcissime Jesu, ago tibi gratias quod tanta pro me passus sis: in signum gratitudinis exosculor sacratissima vulnera tua.

Demum aspergat eum aquâ bened. dicens.

DEt asperitionem pretiosissimi sanguinis Domini

mini

mini nostri JESU Christi, & per virtutem amarissimæ Passionis & mortis suæ, purficet Dominus animam tuam ab omni macula, & liberet te ab omni tentatione Diabolica. In nomine Patris, &c.

ET Benedictio Dei Patris omnipotentis ✠ & Filii & Spiritus S. descendat super te, & maneat semper tecum. Amen.

Relinquendo apud infirmum Crucem & Aquam benedictam, juxta præscriptum Ritualis Rom. discedat cum sacro Oleo dicendo Ps. Miserere.



TESTAMENTUM ANIMÆ.

Hoc Testamentum est valde efficax, cum contineat Exercitium præcipuarum virtutum. Ideo non solum ab Ægris, verum etiam à sanis sapius cum devotione recitari debet.

In nomine Patris, & Filii ✠ & Sp. S. Amen.

CUm ego miserrimus peccator de morte certus, de qualitate autem ejus incertissimus sim: idcirco in præsentem, dum mihi adhuc plenè compos sum, tecum, O mi Deus, transigere intendo, qualiter vivere & mori desiderem. Et hoc tam lætium opus, à quo magna pars salutis meæ pender, cum virtute & efficacia cordis Domini mei Jesu Christi perficere; tamq; firmum Testamentum coram te Deo meo con-

dere desidero, quod nullâ arte Diaboli enervari aut invalidari queat. Amen. Igitur

O Beatissima Trinitas, Pater & Filius, & Spiritus S. in optimâ formâ veri Testamenti, lego & consigno tibi corpus & animam meam: ita ut deinceps verum tuum mancipium efficiar, & quidquid egero & lucratus fuero, ad majorem tuam gloriam redundare debeat.

Profiteor & agnosco quod toto decursu vitæ meæ plurima à te bona acceperim: pro quibus omnibus & singulis maximas tibi habeo gratias; & in condignam gratitudinem omnes laudes cordis & oris Jesu Christi tibi offero.

Profiteor etiam & agnosco, quod toto tempore vitæ meæ negligentissimè vixerim, tibi que DEO meo plurimas injurias irrogaverim: de quibus ex toto corde meo doleo, atque enixissimè veniam deprecor.

In remissionem peccatorum, & satisfactionem pœnarum debitarum, offero tibi totam seriem sacratissimæ vitæ & amarissimæ Passionis Domini nostri Jesu Christi: unâ cum omnibus meritis & satisfactionibus omnium Sanctorum tuorum.

Firmissimè mihi propono deinceps peccata & peccandi occasiones vitare: tibi que DEO meo cum omni fervore cordis mei fideliter deservire.

Omni-

Omnibus & singulis, qui mihi unquam aliquam injuriam irrogarunt, amore tui integerrimè condono: & ab omnibus, quos verbis & factis læsi, humillimè veniam deprecor.

In tuâ verâ fide, firmâ spe, & perfectâ charitate vivere & mori desidero: & ab his nullâ tentatione Diabolicâ me avelli permittam.

Omnes & singulos fidei articulos credo & confiteor, sicut S. Mater Ecclesia illos credit & profitetur. Et in hac verâ fide vivere & mori desidero: potiusque vitam meam perdere, quam vel unicum fidei articulum abnegare intendendo.

Si Diabolus in agone meo in materia fidei me tentaverit, nil aliud ei respondebo quam hoc unicum: *Credo quod credit Ecclesia* Et si forte huic veræ fidei aliquid contrarium cogitatione, verbo, aut opere acturus essem, id ipsum hisce revoco & irrito.

Similiter si Diabolus multitudinem peccatorum meorum mihi proponens, ad desperationem me adducere conaretur, nequaquam ipsi assentiar; sed firmissimè in Divinâ misericordiâ, quæ infinities major est peccatis meis, confidam.

In Divinam voluntatem me penitus resigno, & nec vivere nec mori cupio, nisi taliter, tamq; diu, qualiter & quamdiu Divinæ voluntati placuerit.

Profiteor quod puro amore Jesu mei mori desiderem, sicut ille amore mei in cruce mortuus est. Desidero quoque sanctissima Sacramenta cum omni devotione suscipere: omniumque Missarum ac bonorum operum, quæ post mortem meam fient, particeps fieri.

Animam & Spiritum, ultimumque momentum vitæ meæ in manus Divinas, & in tutelam B. Mariæ V. omniumque Sanctorum efficacissimè commendo: ipsosq; devotissimè deprecor, ut dignentur mihi in agone meo assistere.

Ultima verba mea erunt: *Jesus, Maria, Joseph*; Et si forte tum corde aut ore proferre non possem, nunc pro tunc devotissimè pronuntio: *Jesus, Maria, Joseph, in manus vestras commendo spiritum meum.*

OBSIGNATIO TESTAMENTI.

Nunc igitur, O beatissima Trinitas, coram te, & coram totâ curiâ cœlesti contestor & profiteor, quod omnia, quæ in hoc Testamento continentur, sint mea seria & ultimata voluntas; quodque desiderem hoc meum Testamentum validum & irrevocabile permanere. Casu quo verò ego ipse cogitatione, verbo aut opere id ipsum revocarem: hisce protestor quod hæc mea Revocatio nulla, frivola & invalida habeatur. Idcirco supplico tibi, Sancte

Et Joannes Evangelista, regni cœlestis Archi-Cancellarie, ut super hoc Testamento meo publicum Instrumentum perficias, illudque propriæ manus tuæ subscriptione, & vuln-
rum Christi impressione, subsignes & com-
munias. Sicque subsignatum tuæ custodiæ
committo, ut omni tempore SS. Trinitati in
contestationem ultimæ voluntatis meæ præsen-
tare valeas. Amen.



DIVERSÆ ORATIONES INFIRMI.

Suspiria Infirmi.

ECce, mi dulcissime Jesu, quam miserè hic
jaceam: quamque gravibus doloribus
opprimar.

Est quidem hæc infirmitas mihi valde tæ-
diosa: attamen amore tui libens eam patiar.

In dulcissimum cor tuum depono omnes
dolores meos: & per idipsum offero tibi eos-
dem ad æternam laudem tuam.

Nosti piissime Jesu, quod modo non mul-
tum orare valeam: ideo deprecor te ut cor
tuum divinum huic defectum meum suppleat.

Dignare, mi dilectissime, æterno Patri tuo
pro hac infirmitate mea gratias agere; Sicut

ei in cruce pro cunctis doloribus tuis regratias es.

Velis quoque pro me omnes pressuras meas piissimo Patri tuo offerre : sicut ei cunctos adversitates tuas in gratisimum holocaustum obtulisti.

Resigno me liberrimè in gratisimam voluntatem tuam : sicut tu ipse in voluntatem paternam teipsum resignasti.

Tali intentione desidero hanc infirmitatem meam perferre , quali tu amarissimam passionem & mortem tuam sustinuiisti.

Tali charitate infirmitatem hanc meam suscipio , quali tu mihi eandem de cœlo transmissisti.

Unio dolores meos doloribus tuis : commisceoque eos doloribus omnium Martyrum tuorum.

Tali amore desidero pro te pati : quali tu pro me tam multa adversa passus es.

Desidero tibi hanc sufferentiâ meâ talem honorem exhibere, qualem tu passione tuâ æterno Patri tuo exhibuisti.

Utinam pro fide Catholica hæc sustinere deberem , quæ pro peccatis meis sustinere debeo.

Utinam hac infirmitate mea cunctos dolores tuos tibi recompenlare possem , quos

tu pro peccatis meis tam prompte sustinuisti.

Urnam dolores tuos in corpore meo perferre possem, quos tu in tota passione tuâ pro me pertulisti.

Offero tibi cuncta membra corporis mei; ut ea torqueas juxta gratissimam voluntatem tuam.

Paratus sum tam diu pati, quamdiu tibi placitum fuerit: nec cupio citius liberari, quàm tibi benè visum fuerit.

Quidquid patior & passurus sum, amore tui patiar: nec aliam inde quæro mercedem, quam ut tibi placeam.

Si adaugeas dolores, adauge quoque patientiam: tu enim nosti nimiam meam miseriam.

Da Domine ut cum gaudio patiar: tibi que omni momento novum beneplacitū exhibeam.

Resigno me igitur denuo in gratissimam voluntatem tuam, tuoq; corde & ore & intentione dico: *Pater mi, si possibile est, transeat à me calix iste: veruntamen non mea, sed tua voluntas fiat. Amen, amen.*

Oratio ad Nomen Iesu.

O Piissime Iesu! O dulcissime Iesu! O amabilissime Iesu! O Iesu fili Dei & Mariæ Virginis, miserere mihi miserrimo famulo tuo, sanctissimum nomen tuum affectuosè invocanti. Ostende mihi amabilem vultum tuum;

& converte ad me misericordissimos oculos tuos. O misericordissime Iesu, miserere mei. O pientissime Iesu, da mihi gratiam tuam. O benignissime Iesu, condona mihi delicta mea. Per aspersionem pretiosissimi sanguinis tui, purifica immundam animam meam; per merita amarissimæ Passionis tuæ, remitte mihi debitas pœnas. Ne projicias me à facie tua, & Spiritum S. tuum ne auferas à me: sed propter gloriam nominis tui libera me, & propter bonitatem tuam salvum me fac. O nomen Iesu, nomen dulce. O nomen Iesu, nomen amabile. O nomen Iesu, nomen salutare. Quid enim aliud est Iesus, nisi salvator; & quid aliud est nomen Iesu, nisi nomen salvatoris. Ergo ô Iesu, propter nomen tuum esto mihi salvator & salva me. Ne permittas me perire, quem tam carè emisti; nec tradas æterne morti, pro quo tam amaram sustinuisti mortem. Miserere mei, ô Iesu, miserere mei! & propter magnam misericordiam tuam, suscipe me in gratiam tuam. O Iesu dilectissime! O Iesu mellitissime! O Iesu cordialissime! O Iesu, Iesu, Iesu, esto mihi Iesus & salva me. Dic animæ meæ: *Salus tua ego sum, & propter Nomen meum protegam te.* Extende perforatas manus tuas ad me, sicut eas in cruce ad omnes pœnitentes peccatores extendisti. Et sicut cœlestis Pater tuus sacratissimum Spiritum

tum

tum tuum suscepit; ita digneris egredientem de corpore spiritum meum suscipere. Amen.

Suspiria ad Iesum.

O Jesu salvator meus. O Jesu redemptor meus. O Jesu adjutor meus. O amabilissime Jesu, te diligo ex toto corde, & cupio te diligere super omnia. Quia tu es per omnia amabilissimus, & infinito amore dignissimus. O Jesu amor meus. O Jesu dulcedo mea. O Jesu consolatio mea. Ad te suspiro, ad te ingemisco, ad te corde & ore clamo. Propter te metipsum rogo, miserere mei; pro amore Dei rogo, miserere mei. Ah ne derelinquas me bone Jesu. Ah ne abjicias me pie Jesu. Si tu me derelinquis, verè derelictus sum: si tu me abjicis, verè abjectus sum. Quis enim me suscipiet, si tu me projicis: aut quis mihi gratiam præstabit, si tu eam denegaveris? Nec in cælo nec in terris quisquam benignior est te: nec inter Angelos & homines quisquam mitior est te. Idcirco toto corde ad te confugio: & omnem spem salutis meæ in te repono. Te præ omnibus Angelis & Sanctis in meum judicem eligo: & à te citius quam ab ullo, misericordiam consequi spero. Modò in tempore misericordiæ implo-ro misericordiam: ne postmodum in tempore vindictæ mihi eam deneges. Modò es mitissimus atque piissimus: nec ulli verè petenti mi-

ericordiam denegas. Ideo toto cordis ac mentis affectu suspiro ad te: & omnibus corporis & animæ viribus clamo ad te. O Iesu fili Dei, miserere mei. O Iesu fili Mariæ, miserere mei. O Iesu fili David, miserere mei, nunc & in horâ mortis meæ. men.

Petitio ad Iesum.

Et ipse per suam S. Conversationem satisfaciat pro nostris excessibus.

O DEUS piissime, plenus pietate & misericordiâ, qui nunquam spernis miserorum suspiria: heu deperiit, & sine fructu abiit tota vitæ meæ conversatio, nec quidquam dignè egi in conspectu tuo Domine. Ad te igitur, Iesu mi dulcissime fiducialiter confugio, tuamque clementiam suppliciter exoro. Tu pro me loquere, tu pro me supple. Tu per puras clarissimorum oculorum tuorum lacrymas abluere omnes peccantium oculorum meorum maculas. Tu per dulcem benedictarum aurium tuarum pietatem dele omnem peccantium aurium mearum iniquitatem. Tu per puram sanctissimarum cogitationum tuarum intentionem dilue omnem malarum cogitationum mearum perversitatem. Tu per piâ sacratissimorum verborum tuorum suavitatem absterge omnem polluti oris mei iniquitatem. Tu per operum tuorum perfectionem, manuumque tuarum crucifixio-

nem

nem remitte omnem impiarum manuum mearum offensionem. Tu per dolorosam benedictorum pedum tuorum fatigationem, dirissimamque perforationem extingue omnem peccantium pedum meorum maculationem. Tu per vitæ tuæ purissimam innocentiam & sanctitatem annihila omnem corruptæ vitæ meæ fœditatem. Tu denuum per pretiosissimi sanguinis tui efficacissimum lavacrum ablue omne cordis & animæ meæ enorme piaculum; ut per copiosissima vitæ tuæ merita suppleantur omnia mea demerita, & remittantur omnia mea demerita, & remittantur multifaria mea piacula. Amen.

*Tres efficacissimæ Orationes pro
felici mortē.*

O Benignissime Jelu, quomodo apparebo ante faciem tuam portans iniquitatem meam, & pondus multarum negligentiarum mearum. Talentum temporis mihi creditum non solum expendi in vanum, sed prorsus amisi, depravavi & perdidi totum. Væ mihi miserrimo si tradar tibi non habens advocatum respondentem pro me. O bone Jelu, ad te confugio, & ad te de profundo cordis me suspiro. Tu responde pro me, tu impetra mihi veniam, ut vivat anima mea ob tui gratiam. Eja amor meus Jelu, qui amore mei captus & ad injustos iudices tractus fuisti, ut imponerentur tibi totius mundi

mundi peccata; te accipio hodie in iudicii mei comitem, & in causæ meæ tutorem & defensorem. Tu mecum venias ad iudicium, & ibidem age meum patrocinium. Tu sis iudex & advocatus meus, qui es salvator & redemptor meus. Tu reminiscere quid factus sis pro me, & quam caro pretio redemeris me. Tu mihi vixisti, ne perirem: tu peccata mea portasti, ne opprimerer: tu pro me obiisti, ne morerer: & tu omnia tua mihi contulisti, ut tuis meritis discescerem. Igitur in mortis meæ hora iudica me secundum illam innocentiam, quam mihi contulisti in te, cum omne debitum meum solvisti per te, iudicatus & ad mortem condemnatus propter me. Amen.

Secunda Oratio.

O Suavis bonitas & amabilis Dei misericordia, ex a sub alis tuis me recipe, ut proteger ab imminentibus malis, quæ timeo pro negligentis meis multis & magnis. Ecce jam creditor stat ad ostium repetens à me vitæ meæ depositum, & accusans me super enormitate meorum criminum. O amor meus Iesu, miserorum omnium refugium, redde mihi patrem tuum placatum. Tu qui pro me in misericordia iter ad columnam es alligatus, virgis dirè flagellatus, spinis pœnosè coronatus, & à lictoribus probrosè salutatus, digneris esse meus patronus & advo-

advocatus. Tu amaritudine dolorum tuorum refoecilla afflictum meum spiritum: & illa amarissima pacis nostræ disciplina, quam tibi pater imposuit ob nostra crimina, persolvat omnia mea debita. Sensus meos unge gloriosissimi corporis tui cruore, eorumque maculas absterge sacrorum sensuum tuorum dolore. Pientissimique cordis tui exercitium, sit totius culpæ meæ operimentum, & omnium negligentiarum mearum supplementum: ut quidquid mihi deest in me, id omne habeam in te, qui te totum impendisti pro me. Amen.

Tertia Oratio.

O Dulcis Dei pietas & desiderata benignitas, quæ omnibus expandis gremium, omniumque pauperum es refugium. Commissa mea vehementer expavesco, omnia mea valde erubesco, deperditionemque vitæ meæ nimis pertimesco. Futuram timeo illam discussionem, quâ tu Deus meus mecum positurus es rationem. Si à me volueris exigere temporis mei depositum, prorsus nullum dignum invenio responsum. Quid potero igitur melius facere, quam tuam clementiam devotè implorare. Eja ergo amor meus Jesu, qui pro me injustæ morti es adjudicatus, gravissimâ cruce oneratus, ad ipsam crucem dirissimè conclavatus, felle & aceto inhumaniter potatus, & demum amarâ morte

morte sauciatus digneris mihi esse clemens & propitius, & propter dolorosam passionem tuam Iudex benignus. Tu dedisti animam tuam pro anima mea, vitam tuam pro vita mea, & mortem tuam pro morte mea. Tu te in cruce Deo Patri obtulisti, & adhuc quotidie ad altare offeris sacrificium, quod excedit omne meritum, & abundanter valet solvere omne meum debitum. Eja per hoc Sacramentum vitam meam innova, & in centuplum restitue omnia mea deperdita. Tuâ pietate omnes meas iniquitates dele, tuâ charitate omnia peccata mea cooperi, & tuâ dilectione neglecta mea supple. Fac me totum talem, qualem me esse vis & desideras: & in mortis meæ hora aperi mihi benignissimi cordis tui ostium, ut per te ingredi merear amoris tui thalamum, ubi fruamur & habeam te in sæcula sæculorum. Amen.

Fiducia ad Mariam.

Dilectissima Virgo Maria, ego miserrimus confugio ad te, & per te imploro Divinam bonitatem & clementiam. Succurre obsecro mihi in hac gravi necessitate: & præbe mihi clienti tuo manus auxiliatrices. O Maria adjuva me. O Maria succurre mihi. O Maria intercede pro me. Miserere mihi ô piissima, miserere mihi: quia multum repleta est anima mea. Repleta est angustia, repleta est miseria, repleta est

est omni iniquitate. Deprecor igitur tuam immensam benignitatem, ut me adjuves: nec me in seculum nimis derelinquas. O Virgo praedulcissima, post Deum spes mea unica, & auxilium meum es singularissimum. Tantam enim in tua ope posui confidentiam, quod putem impossibile fore me à Deo derelinquendum, si tu pro me stes, meque in tuam protectionem suscipias. Cor enim Dei in manu tua est, & ad quod volueris inclinabis illud. Confido igitur in te Domina, & firmissimè confido: & certus sum hanc firmam fiduciam meam non futuram inanem. Tibi, ô beatissima, commendo animam meam. Tibi, ô piissima, commendo spiritum meum. Tibi, ô dilectissima, commendo extremum vitæ meæ momentum. Sicut infans protegatur à genitrice sua, sic spero me à te protegendum: quia diligo te plus quàm filius matrem, & sponsus sponsam suam. Tu enim es mater illa mea dilectissima, quam crucifixus Filius tuus mihi dedit in matrem, & me tibi in Filium. Quid ergo mihi deesse poterit cum habeam matrem tam prænobilem: aut quid mihi nocere poterit, cum habeam matrem tam præpotentem. Eja ergo Mater mea dilectissima, Mater mea prædulcissima, Mater mea cordialissima: suscipe infirmum filiolum tuum in maternum sinum tuum: & curam illius habe, sicut

sicut curam gerit mater unigeniti sui. Et sicut mater naturalis defendit & custodit unicum suum, sic tu me defende ab hostibus meis, quærentibus animam meam. Et in extremo illo mortis articulo, quando ab omnibus amicis meis derelinquendus sum, tu me clementer suscipe, & per tuam opem felicem mihi finem impetrare digneris. Amen.

Oratio ad omnes Sanctos.

O Sancti & electi Dei, qui cum Christo in æternâ felicitate regnatis, vos omnes & singulos devotè veneror: & auxilium vestrum pro salute animæ meæ instanter imploro. Angeli, Archangeli, Throni & Dominationes, Principatus & Potestates, Cherubim & Sera-
phim; Patriarchæ & Prophetæ, Apostoli & Evangelistæ, Martyres & Confessores, Virgines & Viduæ, Sanctiq; & Beati omnes intercedere dignemini, pro me famulo & cliente vestro. Per amorem Domini nostri Jesu Christi deprecor vos ut animam meam vestris auxiliis tueri, & è Diaboli faucibus eripere dignemini. Sub vestrum præsidium confugio, O dilecti amici mei, & vestram intercessionem humiliter imploro: eâdemque instantiâ quâ vos in hoc exilio positi, Sanctorum patrocinium invocastis, & ego quoque vestrum patrocinium in hoc periculoso vitæ meæ statu animitùs imploro. Re-
spicite

spicite miseriam meam magnam quâ involvor;
& considerate periculum illud maximum æternæ damnationis, cui obnoxius sum. Nunquid lex charitatis proximi obligat singulos, ut qui videt quempiam in extremâ necessitate positum, eundem pro posse adjuvare teneatur; idcirco propter charitatem illam, quam mandavit nobis DEUS de proximis nostris, miseremini mei, & exhibete auxilium mihi in extremâ necessitate posito. Quoniam ecce alieni insurrexerunt in me, & fortes quærunt animam meam; & quomodo potero laqueis eorum me extricare, nisi vestro auxilio adjutus. Si vos me despiciatis, timeo ne & Deus me despiciat; si autem pro me interceditis, certè non despiciet preces vestras Deus. Igitur in manibus vestris sunt sorores meæ: & salus mea juxta vestrum beneplacitum dirigetur. Ne ergo pereat anima illa mea, pro quâ Christus mortuus est, & quacum vos æternum gaudere desideratis.

Idcirco subvenite Sancti Dei, occurrите Angeli Domini, suscipientes animam meam, offerentes eam in conspectu Altissimi: vestrisque gloriosis meritis & precibus placate districtum judicem Dominum nostrum Jesum Christum. Qui me clementer suscipere, & choris vestris associare dignetur. Amen.



Quinque Litaniae pro Infirmis aut Agonizantibus.

Sequentes Litania valde utiliter coram, & pro Infirmis recitari poterunt, flexis coram imagine Crucifixi genibus. Et siquidem infirmus adhuc audire & loqui poterit, ipse cum aliis respondeat: Misere mei; vel, Ora pro me; vel, Libera me Domine, &c. Si vero auditum amiserit, tunc dicantur haec Litania à circumstantibus devotâ mente & altâ voce: cunctis simul respondentibus. Dicantur autem per intervalla, pro diversitate Personarum, locorum & temporum. Poterunt etiam ab uno solo dici, sive in praesentia Infirmi, sive in Ecclesia aut in adibus, cum maximo fructu & solamine Infirmi.

Litania de Nomine Iesu.

KYrie eleyson. Christe eleyson. Kyrie eleyson.
Christe audi nos. Christe exaudi nos.
Pater de cœlis Deus. Misere ei.
Fili redemptor mundi Deus. Misere ei.
Spiritus sancte Deus. Misere ei.
S. Trinitas unus Deus. Misere ei.
Iesu Fili Dei vivi. Misere ei.
Iesu Fili Mariæ Virginis. Misere ei.
Iesu Fili David. Misere ei.
Iesu gloriosissime.
Iesu nobilissime.
Iesu potentissime.

Iesu

Jesu benignissime.
Jesu mitissime.
Jesu piissime.
Jesu misericordissime.
Jesu clementissime.
Jesu amabilissime.
Jesu dulcissime.
Jesu suavissime.
Jesu liberalissime.
Jesu fidelissime.
Jesu speciosissime.
Jesu dilectissime.
Jesu clarior sole.
Jesu pulchrior lunâ.
Jesu splendidior stellis.
Jesu pretiosior gemmis.
Jesu Pater pauperum.
Jesu tutor pupillorum.
Jesu auxiliator derelictorum.
Jesu salus Infirmorum. 127
Jesu refugium peccatorum.
Jesu consolator afflictorum.
Jesu solamen agonizantium.
Jesu adjutor morientium.
Jesu Judex mortuorum.
Jesu remunerator bonorum.
Jesu gaudium Angelorum.
Jesu rex Patriarcharum.

Jesu

Jesu inspirator Prophetarum.

Jesu Magister Apostolorum.

Jesu Doctor Evangelistarum.

Jesu fortitudo Martyrum.

Jesu Exemplar Confessorum.

Jesu Sponse Virginum.

Jesu corona Sanctorum omnium.

Propitius esto. Parce ei Jesu.

Propitius esto. Exaudi nos Jesu.

Ab omni malo. Libera eum Jesu.

Ab omni peccato. Libera eum.

Ab ira tua. Libera eum Jesu.

Ab infirmitate sua.

A doloribus suis.

A debilitatibus suis.

Ab angustiis suis.

A tentationibus suis.

Ab impatientia.

A pusillanimitate.

A desperatione.

A spiritu superbiæ.

A dubitatione in fide.

A terrore inimici.

Ab aspectu dæmonum.

A nimio timore mortis.

A subitanea morte.

A mala morte.

Ab æterna morte.

Per

Per mysterium S. Incarnationis tuæ.
Per Adventum tuum.
Per dulcissimam Nativitatem tuam.
Per dolorosam Circumcisionem tuam.
Per Adventum trium Magorum.
Per Oblationem tuam.
Per Fugam in Ægyptum.
Per durum exilium tuum.
Per Inventionem tuam in templo.
Per sacrum Baptisma tuum.
Per Quadragesimale Jejunium tuum.
Per Prædicationes tuas.
Per Miracula tua.
Per austeram vitam tuam.
Per Mortificationes tuas.
Per Vigilias tuas.
Per Abstinencias tuas.
Per Orationes tuas.
Per Labores tuos,
Per defatigationes tuas.
Per crebra itinera tua.
Per persecutiones tuas.
Per irrisiones tuas.
Per opprobria tua.
Per lachrymas tuas.
Per suspiria tua.
Per patientiam tuam.
Per humilitatem tuam.

per diram passionem tuam.

Per amaram mortem tuam.

Per sacra vulnera tua.

Per pretiosum sanguinem tuum.

Per tristem sepulturam tuam.

Per gloriosam Resurrectionem tuam.

per admirabilem Ascensionem tuam.

per Adventum Spiritûs S. Paracleti.

In die judicii.

Agnus Dei qui tollis peccata mundi.

1. Parce ei O Jesu.

2. Exaudi nos O Jesu.

3. Misere ei O Jesu.

Jesus Christe audi nos.

Iesu Chrifte exaudi nos.

Kyrie eleyson. Christe eleyson. Kyriel.

Pater noster, &c. clarâ voce.

ŷ. Sit nomen Domini benedictum

℞. Ex hoc nunc & usque in sæculum.

ŷ. Propter nomen tuum Domine propitiaberis peccato meo. R. Multum est enim.

✠ Domine exaudi orationem meam.

R₂. Et clamor meus ad te veniat.

Oremus.

Omnipotens sempiterne Deus, qui gloriosissimum Nomen dilectissimi Filii tui Domini nostri Jesu Christi fecisti fidelibus tuis summo suavitatis affectu amabile: dæmonibus

VELO

verotremendum atque terribile: per virtutem
hujus sacratissimi Nominis Jesu, quod nos in-
digni servuli tui devotissimè veneramus, & af-
fectuosissimè invocamus, concede huic infir-
mo famulo tuo in doloribus suis lenimentum,
& in tentationib⁹ suis confortationem. Omnes
quoque insidias inimicorum in virtute effica-
cissimi nominis illius ab eo longè repelle: ut
audientes hoc terrificum nomen Jesu fugiant
procul, nec audeant accedere vel molestare fa-
mulum tuum, super quo invocatum est Nomen
sanctum tuum. Qui vivis & regnas in sæcula
sæculorum. Amen.

Litania de Passione Domini.

KYrie eleyson. Christe eleyson. Kyrie eleyson.

Christe audi nos. Christe exaudi nos.

Pater de cœlis Deus. Misereere ei.

Fili Redemptor mundi Deus. Misereere ei.

Spiritus sancte Deus. Misereere ei.

Sancta Trinitas unus Deus. Misereere ei.

Jesu fili Dei vivi. Misereere ei.

Jesu fili Mariæ Virginis.

Jesu fili David. Misereere ei.

Per sanctissimam vitam tuam.

Per amarissimam Passionem tuam.

Per tristem discessum à Matre tua,

Per tristem viam in Montem Oliveti.

Per tristitiam animæ tuæ,

Per trinam orationem tuam.
Per cordiales gemitus tuos.
Per amaras lachrymas tuas.
Per Imaginationem passionis tuæ.
Per sanguineum sudorem tuum.
Per integram resignationem tuam.
Per Angelicam confortationem tuam.
Per ignominiosam captivitatem tuam.
Per duram ligationem tuam.
Per prostrationem in terram.
Per deductionem in civitatem.
Per dejectionem in torrentem Cedron.
Per præsentationem coram Anna.
Per duram alapam tuam.
Per deductionem ad Caipham.
Per injustam accusationem tuam.
Per iniquam condemnationem tuam.
Per fœdam conspuitionem tuam.
Per pœnosas alapas tuas.
Per ignominiosas contumelias tuas.
Per arctam incarcerationem tuam.
Per deductionem ad Pilatum.
Per accusationem coram Herode.
Per illusionem in aula Herodis.
Per induitionem vestis albæ.
Per falsas querelas coram Pilato.
Per humile silentium tuum.
Per comparisonem cum Barraba.

Per

Per inverecundam denudationem tuam.
Per alligationem ad columnam.
Per dolorosam flagellationem tuam.
Per diram lacerationem tuam.
Per effusionem sanguinis tui.
Per nimios dolores tuos.
Per lapsum subtus columnam.
Per deductionem ad prætorium.
Per iteratam denudationem tuam.
Per induitionem vestis purpureæ.
Per pœnolam coronationem tuam.
Per irrisoriam salutationem tuam.
Per crebras alapas tuas.
Per ostensionem coram populo.
Per postulationem ad mortem.
Per injustam condemnationem tuam.
Per impositionem crucis tuæ.
Per duram ligationem tuam.
Per laboriosam bajulationem tuam.
Per crebros casus tuos.
Per sanguineos gressus tuos.
Per vulnus humeri tui.
Per obviationem Matris tuæ.
Per nimiam fatigationem tuam.
Per tertiam denudationem tuam.
Per summam verecundiam tuam.
Per potum Myrrhæ & fellis.
Per decubationem super crucem.

Per perforationem manuum tuarum.

Per extensionem nervorum tuorum.

Per crucifixionem pedum tuorum.

Per effluxionem sanguinis tui.

Per elevationem crucis tuæ.

Per omnes dolores in cruce perpeſſos.

Per frigus membrorum tuorum.

Per guttas lachrymarum tuarum.

Per effusum sanguinem tuum.

Per septem verba à te prolata.

Per Rogationem pro inimicis.

Per misericordiam erga latronem.

Per commendationem matris tuæ.

Per derelictionem à Patre tuo.

Per amaram sitim tuam.

Per fel & acetum tuum.

Per consummationem tuam.

Per commendationem Spiritus tui.

Per amaram agoniam tuam.

Per palpitationem cordis tui.

Per tremorem membrorum tuorum.

Per validum clamorem tuum.

Per inclinationem capitis tui.

Per emissionem spiritus tui.

Per amarissimam mortem tuam.

Per apertionem lateris tui.

Per effluxionem sanguinis & aquæ.

Per depositionem de cruce.

Per

Per positionem in sinum maternum.

Per compassionem genitricis tuæ.

Per luctum amicorum tuorum.

Per unctionem cadaveris tui

per tristem sepulturam tuam

per descensionem ad inferos

In die Judicii.

Agnus Dei qui tollis peccata mundi.

1. Parce ei Domine.

2. Exaudi nos Domine.

3. Miserere ei Domine.

Christe audi nos. Christe exaudi nos.

Kyrie eleyson. Christe eleyson. Kyriel.

Quinq; Pater noster, in honorem quinq; vulnerum Christi. Clara voce.

℣. Adoramus te Christe, & benedicim⁹ tibi.

℞. Quia per crucem tuam redemisti mundū.

℣. Salvator mundi salva nos. ℞. Qui per crucem & sanguinem tuum redemisti nos.

℣. Domine exaudi orationem meam.

℞. Et clamor meus ad te veniat.

Oremus.

Domine Jesu Christe, qui pro redemptione mundi voluisti nasci, circumcidi, à Judæis reprobari, à Juda osculo tradi, vinculis alligari, sicut Agnus ad victimam duci, atq; conspectibus Annæ, Caiphæ, Pilati & Herodis indecenter offerri, à fallis testibus accusari, flagellis cædi, opprobriis vexari, sputis conspui, spinis

coronari, colaphis cædi, arundine percuti, facie
 velari, vestibus exui, cruci affigi, in cruce levari,
 inter latrones deputari, felle & aceto potari, &
 acerbissima morte mori. Per has sanctissimas
 pœnas tuas, quas nos indigni recolimus, & per
 sanctam crucem & mortem tuam, rogamus te
 piissime Domine, ut huic famulo tuo in extrema
 necessitate sua succurrere, & in doloribus suis
 patientiam largiri digneris. Libera quoque eum
 de pœnis & cruciatibus inferni; & perduc eum
 quo perduxisti latronem tecum crucifixum. Qui
 vivis & regnas in sæcula sæculorum.

Litania Lauretana.

KYrie eleyson. Christe eleyson. Kyrie el.
 Christe audi nos. Christe exaudi nos.
 Pater de cœlis Deus. Misere ei.
 Fili redemptor mundi Deus. Misere ei.
 Spiritus sancte Deus. Misere ei.
 Sancta Trinitas unus Deus. Misere ei.
 Sancta Maria. Ora pro eo.
 S. Dei genitrix. Ora pro eo.
 S. Virgo virginum. Ora pro eo.
 Mater Christi. Ora pro eo.
 Mater divinæ gratiæ.
 Mater purissima.
 Mater castissima.
 Mater inviolata.
 Mater intemerata.

Mater

Mater amabilis.
Mater admirabilis.
Mater creatoris.
Mater saluatoris.
Virgo prudentissima.
Virgo veneranda.
Virgo prædicanda.
Virgo potens.
Virgo clemens.
Virgo fidelis.
Speculum iustitiæ.
Sedes sapientiæ.
Causa nostræ lætitiæ.
Vas spirituale.
Vas honorabile.
Vas insigne devotionis.
Rosa Mystica.
Turris Davidica.
Turris eburnea.
Domus aurea.
Fœderis arca.
Janua cœli.
Stellâ matutina.
Salus infirmorum. *ter.*
Refugium peccatorum. *bis.*
Consolatrix afflictorum. *bis.*
Auxilium Christianorum.
Regina Angelorum.

Regina Patriarcharum.

Regina Prophetarum.

Regina Apostolorum.

Regina Martyrum.

Regina Confessorum.

Regina Virginum.

Regina Sanctorum omnium.

Agnus Dei qui tollis peccata mundi.

1. parce ei Domine.

2. Exaudi nos Domine.

3. Misere ei Domine.

Sub tuum præsidium confugimus, sancta Dei genitrix: nostras deprecationes ne despicias in necessitatibus nostris: sed à periculis cunctis libera nos semper, Virgo gloriosa & benedicta.

℣. Ora pro nobis sancta Dei genitrix.

℞. Ut digni efficiamur promissionibus Christi.
Oremus.

Gratiam tuam quæsumus Domine mentibus nostris infunde: ut qui Angelo nuntiante Christi filii tui incarnationem cognovimus, per passionem ejus & crucem ad resurrectionis gloriam perducamur. Per eundem Christum Dominum nostrum. Amen.

Subjungatur sequens Oratio.

Beatissima Virgo Maria, maternæ pietati tuæ commendamus ultimam horam vitæ hujus infirmi: deprecamurque te per unigeni-

tum

cum Filium tuum Dominum nostrum Jesum Christum, ut in illa angustia summâ eum visitare & consolari digneris. Et cum in eadem hora anima ejus turbata fuerit, tu Domina piissima recordaberis misericordiæ, & venies in adjutorium ejus. Dignaberis quoque liberare animam ejus ab ira & indignatione Filii tui, & à confusione atque damnatione perpetua. Ut tua intercessione è gravissimis illis periculis eruta, laudes perpetuas tibi decantet in gloria cum omnibus cœli incolis, & angelicis choris. Amen.

Litania de B.V. dolorosa.

K Yrie eleyson. Christe eleyson. Kyrie el.

K Christe audi nos. Christe exaudi nos.

Pater de cœlis Deus. Misere ei.

Fili Redemptor mundi Deus. Misere ei.

Spiritus sancte Deus. Misere ei.

S. Trinitas unus Deus. Misere ei.

Sancta Maria. Ora pro eo.

Sancta Dei genitrix. Ora pro eo.

Sancta Virgo virginum,

Mater dolorosa,

Mater contristata.

Mater desolata.

Mater derelicta,

Mater angustata.

Mater lachrymosa,

Mater gemebunda,

Mater vulnerata.

Mater compassiva.

Mater infirmata.

Mater afflictissima.

Propitia esto. Exaudi nos Domina.

Propitia esto. Conserva nos Domina.

Ab omni malo. Libera eum Domina.

Ab omni peccato. Libera eum Domina.

Ab ira Dei. Libera eum Domina.

Ab insidiis Diaboli. Libera eum.

A tentatione inimici. Libera eum.

Ab aspectu dæmonum.

Ab anxietate nimia.

A timore noxio.

A dolore vehemente.

A dubitatione in fide.

A spiritu blasphemix.

A desperatione venix.

Ab obstinatione cordis.

Ab improvisa morte.

A mala morte.

Ab æterna morte.

Per Afflictionem tuam.

Per compassionem tuam.

Per derelictionem tuam.

Per omnes miserias quas sustinuisti.

Per iter ex Nazareth in Bethlehem.

Per denegationem hospitii.

Per

- Per diversionem in stabulo.
Per reclinationem filii tui in præsepio.
Per compassionem in ejus circumcissione.
Per gladium Simeonis.
Per fugam in Ægyptum.
Per difficultatem itineris illius.
Per septenne exilium tuum.
Per extremam paupertatem tuam.
Per perditionem Filii tui.
Per anxietates ob eum perpeffas.
Per valedictionem tibi datam.
Per acceptum nuntium de ejus captivitate.
Per dolorem quem habebas, dum è domo Cai-
phæ educi videres.
Per dolorem quem habebas, dum veste albâ in-
dutum videres.
Per dolorem quem habebas, dum eum flagellari
videres. (videres.
Per dolorem quem habebas, dum coronatum
Per dolorem quem habebas, dum à Pilato edu-
ctum videres.
Per dolorem quem habebas, dum ad mortem
condemnari audires.
Per dolorem quem habebas, dum crucem por-
tare videres.
Per dolorem quem habebas, dum crucem baju-
lanti occurreres.
Per dolorem quem habebas, dum eum denudari
videres.

Per dolorem quem habebas, dum eum crucifigi audires.

Per dolorem quem habebas, dum in cruce elevatum videres.

Per dolorem quem habebas, dum te Joanni commendaret.

Per dolorem quem habebas, dum eum blasphemari audires.

Per dolorem quem habebas, dum se derelictum clamare audires.

Per dolorem quem habebas, dum se sitientem clamare audires.

Per dolorem quem habebas, dum eum aceto potari videres.

Per dolorem quem habebas, dum spiritum Patri suo commendantem audires.

Per dolorem quem habebas, dum eum agonizare videres.

Per dolorem quem habebas, dum validè clamantem audires.

Per dolorem quem habebas, dum eum caput inclinare videres.

Per dolorem quem habebas, dum eum mori videres.

Per dolorem quem habebas, dum eum mortuum videres.

Per dolorem quem habebas, dum latus ejus aperiri videres.

Per

per dolorem quem habebas, dum eum de cruce deponi videres.

per dolorem quem habebas, dum eum in sinum tuum collocares.

per dolorem quem habebas, dum ejus vulnera aspiceres.

Per dolorem quem habebas, dum eum aromatibus condires.

per dolorem quem habebas, dum eum ad sepulchrum sequereris.

per dolorem quem habebas, dum eum sepeliri videres.

Per dolorem quem habebas, dum à sepulchro recederes.

Per omnes lachrymas quas fudisti.

Per omnia suspiria quæ edidisti.

Per omnes puncturas cordis quas sensisti.

Per omnes angores mortis quos sustinuisti.

Per omnes terrores quos concepisti.

Per omnes sudores quos sudasti.

Per omnem compassionem quam habuisti.

Per omnia deliquia quæ passa es.

Per omnes corporis & animæ dolores.

Mater dolorosa. Ora pro eo.

Agnus Dei qui tollis peccata mundi.

1. Parce ei Domine.

2. Exaudi nos Domine.

3. Misere ei Domine.

Christe

Christe audi nos. Christe exaudi nos.

Kyrie eleyson. Christe eleyson. Kyrie el.

Quinq; Ave Maria.

v. Ora pro eo Virgo dolorosissima.

& Ut dignus efficiatur promissionibus Christi.

Oremus.

Interveniat pro eo quæsumus Domine Jesu Christe, nunc & in hora mortis ejus, apud tuam clementiam beatissima Virgo Maria mater tua: cujus sacratissimam animam in hora tuæ passionis doloris gladius pertransivit. Qui vivis & regnas in sæcula sæculorum. Amen.

Litania de omnibus Sanctis.

Kyrie eleyson. Christe eleyson. Kyrie eleyf.

Christe audi nos. Christe exaudi nos.

Pater de cœlis Deus. Misere ei.

Fili redemptor mundi Deus. Misere ei.

Spiritus sancte Deus. Misere ei.

S. Trinitas unus Deus. Misere ei.

S. Maria. Ora pro eo.

Sancta Dei genitrix. Ora pro eo.

S. Virgo virginum. Ora pro eo.

S. Michaël. Ora pro eo.

S. Gabriel. S. Raphael.

Omnes SS. Angeli & Archangeli. Orate

Omnes SS. beatorum Spirituum Ordines.

S. Joannes Baptista. Ora pro eo.

S. Abraham. S. Isaac.

S. Ja-

S. Jacob.

S. Moyles.

S. Samuel.

S. David.

S. Ezechia.

S. Josia.

S. Isaia.

S. Jeremia.

S. Ezechiel.

S. Daniel.

S. Elia.

S. Elisæe.

S. Joachim.

S. Simeon.

Omnes SS. Patriarchæ & Prophetæ.

S. Petre.

S. Paule.

S. Andrea.

S. Jacobe.

S. Joannes.

S. Thoma.

S. Jacobe.

S. Philippe.

S. Bartholomæe.

S. Matthæe.

S. Simon.

S. Thadæe.

S. Matthia.

S. Barnaba.

S. Luca.

S. Marce.

Omnes SS. Apostoli & Evangelistæ. Orate.

Omnes SS. Discipuli Domini. Orate.

Omnes sancti Innocentes. Orate.

S. Stephane.

S. Laurenti.

S. Vincenti.

S. Sebastiane.

S. Corneli.

S. Blasi.

S. Cypriane.

S. Georgi.

S. Apollinaris.

S. Cyriace.

S. Vite.

S. Eustachi.

S. Mauriti.

S. Crispine.

S. Damiane.

S. Chrysanthe.

S. Dionysi.

S. Achat.

Omnes

Omnes sancti Martyres. Orate pro eo.

S. Sylvester.

S. Gregori.

S. Ambrosi.

S. Augustine.

S. Hieronymus.

S. Martine.

S. Nicolae.

S. Chrysostome.

S. Athanasii.

S. Basili.

S. Norberte.

S. Bonaventura.

Omnes SS. Pontifices & Confessores.

Omnes sancti Doctores. Orate pro eo.

S. Joseph.

S. Antoni.

S. Benedicte.

S. Bernarde.

S. Dominice.

S. Francisce.

S. Bruno.

S. Roche.

S. Henrice.

S. Ludovice.

S. Ignati.

S. Xaveri.

S. Thoma de Aquino. Ora pro eo.

S. Antoni de Padua. Ora pro eo.

S. Petre de Alcantara. Ora pro eo.

Omnes sancti Sacerdotes & Levitæ. Orate.

Omnes sancti Monachi & Eremitæ. Orate.

S. Anna.

S. Maria Magdalena.

S. Agatha.

S. Lucia.

S. Agnes.

S. Cæcilia.

S. Catharina.

S. Barbara.

S. Margaretha.

S. Christini.

S. Apollonia.

S. Dorothea.

S. Thecla.

S. Ursula.

S. Clara.

S. Theresia.

S. Ro-

S. Rosa. S. Rosalia.

S. Catharina Senensis.

S. Magdalena de Pazzis.

S. Maria Ægyptiaca.

S. Elisabetha. S. Monica.

S. Afra. S. Pelagia.

Omnes sanctæ Virgines & Viduæ.

Omnes Sancti & Sanctæ Dei. Intercedite pr.

Propitius esto. Parce ei Domine.

Propitius esto. Exaudi nos Domine.

Ab omni malo. Libera eum Domine.

Ab omni peccato. Libera eum Domine.

Ab ira tua. Libera eum Domine.

Ab omni impatientia.

Ab omni tædio.

Ab omni murmuratione.

Ab omni mala voluntate.

Ab omni indevotione.

A nociva tristitia.

A nimia anxietate.

A nimio horrore mortis.

A nimia pusillanimitate.

A noxia præsumptione.

A dubitatione in fide.

A spiritu blasphemix.

Ab obduratione cordis.

Ab impœnitentia.

A desperatione.

A gra-

A gravi tentatione.

Ab insidiis Diaboli.

A terrore inimicorum.

Ab aspectu Dæmonum.

A nimis doloribus.

A subitanea morte.

A mala morte.

A morte perpetua.

Per infinitam misericordiam tuam.

Per omnes misericordias infirmis impensas.

Per amorem quo nostras infirmitates portasti.

Per omnia adversa quæ propter nos sustinuisti.

Per tristitiam tuam in Monte Oliveri.

Per summum horrorem mortis tuæ.

Per sanguineum sudorem tuum.

Per ignominiosam captivitatem tuam.

Per dolorosam flagellationem tuam.

Per diram coronationem tuam.

Per laboriosam bajulationem tuam.

Per pœnositissimam crucifixionem tuam.

Per amarissimam mortem tuam.

Per sacra quinque vulnera tua.

Per pretiosissimum sanguinem tuum.

Per amarissimas lacrymas tuas.

Per gravissimos dolores tuos.

Per intercessionem dilectæ Matris tuæ.

Per merita omnium Sanctorum tuorum.

Per zelum Apostolorum tuorum.

Per

Per pœnas omnium Martyrum.
Per prædicationes omnium Pontificum.
Per virtutes omnium Confessorum.
Per austeritates omnium Religiosorum.
Per abstinentias omnium Eremitarum.
Per contritionem omnium pœnitentium.
Per castitatem omnium virginum.
Per humilitatem omnium viduarum.
Per probitatem omnium conjugatorum.
Per virtutes omnium Electorum.
In die iudicii. Libera eum Domine.
Peccatores. Te rogamus audi nos.
Ut ei parcas. Te rogamus audi nos.
Ut ei indulgeas. Te rogamus. (gneris.
Ut ad veram pœnitentiam eum perducere di-
Ut cordis compunctionem ei donare digneris.
Ut veram contritionem ei infundere digneris.
Ut indulgentiam omnium peccatorum ei largiri digneris.
Ut pœnas peccatorum ei condonare digneris.
Ut tentationes diabolicas ab eo repellere digne-
Ut dolores ejus mitigare digneris. (ris.
Ut ei veram patientiam tribuere digneris.
Ut eum in gratia tua conservare digneris.
Ut consolationem sancti Spiritus ei infundere digneris.
Ut dolores & suspiria ejus respicere digneris.
Ut infirmitatem hanc ad salutem ejus convertere digneris. Ut

Ut eum ab infirmitate hac liberare digneris.

Ut robur contra spiritus malignos ei conferre digneris.

Ut eum in fide immobilem conservare digneris.

Ut eum in spe confirmare digneris.

Ut ei charitatem perfectam infundere digneris.

Ut ei in agone suo assistere digneris.

Ut ei Matrem tuam in patronam dare digneris.

Ut SS. Angelos tuos in ejus custodiam deputare digneris.

Ut ei felicem finem tribuere digneris. (ris.

Ut spiritum ejus in manus tuas suscipere digne-

Ut ei propitius Judex esse digneris.

Ut eum ad cœlestia gaudia admittere digneris.

Ut ei requiem æternam donare digneris.

Ut nos exaudire digneris.

Fili Dei. Te rogamus audi nos.

Agnus Dei qui tollis peccata mundi.

1. Parce ei Domine.

2. Exaudi nos Domine.

3. Misere ei Domine.

Christe audi nos. Christe exaudi nos.

Kyrie eleyson. Christe eleyson. Kyrie el.

Pater noster. *altâ voce.*

ψ. Sancti Dei omnes intercedere dignemini.

℞. Pro hujus infirmi salute.

ψ. Domine exaudi orationem meam.

℞. Et clamor meus ad te veniat.

Ore-

Oremus.

Protege Domine famulum tuum : & Apostolorum tuorum Petri & Pauli, omniumq; Sanctorum patrocinio confidenter perpetua defensione conserva. Omnes Sancti tui quaesumus Domine, eum fideliter adjuvent, quorum merita & patrocinia super eum confidenter imploramus. per Christum Dnm nostrum. Amen.



SEPTEM PSALMI INFIRMORUM.

Ex Psalterio excerpti.

Qui valde utiliter à circumstantibus, dum infirmus agonizat, alternis versibus recitari possunt. Quorum virtute vis Diabolica mirificè infringetur ; ne morituro approximare, & tentationibus suis nocere queat. Vix legimus Diabolum in quadam obessa adjuratum dixisse, quod ad Carolum V. Rom Imp. morientem Dæmones accedere non valuerint ; eò quod Religiosi sub ejus agone continuò Psalmos recitaverint. Idcirco obnixè, propter amorem crucifixi rogantur omnes agonizanti praesentes, ut hos sequentes septem Psalmos recitent : miserumq; illum moriturum sua prece confortent.

PSALMUS PRIMUS.

Infirmus conqueritur Deo suam miseriam.
Domine ne in furore tuo arguas me : neq;
in ira tua corripas me.

Miserere mei Domine quoniam infirmus
sum :

sum: sana me Domine quoniam conturbata sunt ossa mea.

Et anima mea turbata est valde: sed tu Domine usquequo.

Laboravi in gemitu meo, lavabo per singulas noctes lectum meum: lacrymis meis stratum meum rigabo.

Quoniam defecit in dolore vita mea: & anni mei in gemitibus.

Non est sanitas in carne mea à facie iræ tuæ: non est pax ossibus meis à facie peccatorum meorum.

Afflictus sum & humiliatus sum nimis: rugiebam à gemitu cordis mei.

Circumdederunt me dolores mortis: & torrentes iniquitatis conturbaverunt me.

Dolores inferni circumdederunt me: præoccupaverunt me laquei mortis.

Cor meum conturbatum est in me: & formido mortis cecidit super me.

Timor & tremor venerunt super me: & contexerunt me tenebræ.

Anxius est super me spiritus meus: in me turbatum est cor meum.

Respice in me & miserere mei: quia unicus & pauper sum ego.

Tribulationes cordis mei multiplicatæ sunt: de necessitatibus meis erue me. Gloria Patri & Filio. &c.

PSAL-

PSALMUS SECUNDUS.

Infirmus accusat se de peccatis suis.

VOce mea ad Dominum clamavi: voce mea ad Dominum deprecatus sum.

Effundo in conspectu ejus orationem meam: & tribulationem meam ante ipsum pronuntio.

Confitebor adversum me injustitiam meam Domino: & tu remisisti impietatem peccati mei.

Iniquitates meæ supergressæ sunt caput meum: & sicut onus grave gravatæ sunt super me.

Circumdederunt me mala quorum non est numerus: comprehenderunt me iniquitates meæ, & non potui ut viderem.

Multiplicatæ sunt super capillos capitis mei: & cor meum dereliquit me.

Complaceat tibi Domine ut eruas me: Domine ad adjuvandum me respice.

Quoniam iniquitatem meam ego cognosco: & peccatum meum contra me est semper.

Tibi soli peccavi & malum coram te feci: ut justificeris in sermonibus tuis, & vincas cum judicaris.

Ego dixi, Domine miserere mei: sana animam meam quia peccavi tibi.

Repleta est malis anima mea: & vita mea inferno appropinquavit.

Erravi sicut ovis quæ periit: quære servum tuum quia mandata tua non sum oblitus.

D

Deus

Deus vitam meam annuntiavi tibi: posuisti lacrymas meas in conspectu tuo.

Delictum meum cognitum tibi feci: & iniquitatem meam non abscondi.

Exaudi me Domine quoniam benigna est misericordia tua: secundum multitudinem miserationum tuarum respice in me.

Gloria Patri & Filio, &c.

PSALMUS TERTIUS.

Infirmus petit sibi ignosci peccata sua.

Miserere mei Deus, secundum magnam misericordiam tuam.

Et secundum multitudinem miserationum tuarum: dele iniquitatem meam.

Amplius lava me ab iniquitate mea: & à peccato meo munda me.

Asperges me hyssopo & mundabor: lavabis me & super nivem dealbabor.

Averte faciem tuam à peccatis meis: & omnes iniquitates meas dele.

Cor mundum crea in me Deus: & spiritum rectum innova in visceribus meis.

Delicta quis intelligit, ab occultis meis munda me: & ab alienis parce servo tuo.

Delicta juventutis meæ: & ignorantias meas ne memineris Domine.

Si iniquitates observaveris Domine: Domine quis sustinebit.

Vide

Vide humilitatem meam & laborem meum:
& dimitte universa delicta mea.

Propter nomen tuum Domine propitiaberis
peccato meo: multum est enim.

Quoniam tu Domine suavis & mitis: &
multæ misericordiæ omnibus invocantibus te.

Non intres in iudicium cum servo tuo: quia
non justificabitur in conspectu tuo omnis vi-
vens.

Tu autem Domine ne longe facias misera-
tiones tuas à me: misericordia tua & veritas tua
semper susceperunt me.

Fac mecum signum in bonum, ut videant
qui oderunt me, & confundantur: quoniam tu
Domine adjuvisti me, & consolatus es me.

Gloria Patri & Filio, &c.

PSALMUS QUARTUS.

Infirmus petit exaudiri orationem suam.

Domine exaudi orationem meam: & cla-
mor meus ad te veniat.

Inclina ad me aurem tuam: accelera ut e-
ruas me.

Esto mihi in Deum protectorem & in do-
mum refugii: ut salvum me facias.

Verba mea auribus percipe Domine: in-
tellige clamorem meum.

Intende voci orationis meæ: rex meus &
Deus meus.

Quoniam ad te orabo: Domine mane ex-
audies vocem meam.

Inclina aurem tuam & exaudi me: quoniam
inops & pauper sum ego.

Ne derelinquas me Domine Deus meus:
ne discefferis à me.

Intende in adiutorium meum: Domine
Deus salutis meæ.

Deus in nomine tuo saluum me fac: & in
virtute tua libera me.

Reminiscere miserationum tuarum Domine:
& misericordiarum tuarum quæ à sæculo sunt.

Secundum misericordiam tuam memento
mei tu: propter bonitatem tuam Domine.

Eripe me de luto ut non infigar: libera me
ab iis qui oderunt me, & de profundis aquarum.

Convertere Domine & eripe animam me-
am: saluum me fac propter misericordiam
tuam.

Custodi me Domine ut pupillam oculi: sub
umbra alarum tuarum protege me.

Tu autem Domine ne elongaveris auxilium
tuum à me: ad defensionem meam conspice.

Quoniam fortitudo mea & refugium meum
es tu: & propter nomen tuum deduces me &
enutries me.

Educes me de laqueo hoc quem absconde-
runt mihi: quoniam tu es protector meus.

In

In manus tuas comendo spiritum meum: redemisti me Domine Deus veritatis.

Gloria Patri. &c.

PSALMUS QUINTUS.

Majori instantiâ Infirmus petit exaudiri.

Usquequo Domine oblivisceris me in finem: usquequo avertis faciem tuam à me.

Quamdiu ponam consilia in anima mea: dolorem in corde meo per diem.

Usquequo exaltabitur inimicus meus super me? respice & exaudi me Domine Deus meus.

Exurge Domine Deus exaltetur manus tua: ne obliviscaris pauperis.

Deus Deus meus respice in me, quare me dereliquisti: longè à salute mea verba delictorum meorum.

Deus meus clamabo per diem & non exaudies: & nocte non ad insipientiam mihi.

Miserere mei Domine, quoniam ad te clamavi tota die: lætifica animam servi tui, quoniam ad te Domine animam meam levavi.

Quoniam tribulatio proxima est: & non est qui adjuvet.

Non avertas faciem tuam à me: & similis ero descendentibus in lacum.

Velociter exaudi me Domine: defecit spiritus meus.

Intende ad deprecationem meam: quia humiliatus sum nimis.

D 3

Ut

Ut quid Domine repellis orationem meam :
avertis faciem tuam à me.

Clamavi ad te Domine tota die : expandi
ad te manus meas.

Attenuati sunt oculi mei : suspicientes in ex-
celsum.

Intret in conspectu tuo oratio mea : inclina
aurem tuam ad precem meam

Exaudi Domine vocem deprecationis meæ
dum oro ad te : dum extollo manus meas ad
templum sanctum tuum.

Ne avertas faciem tuam à me : ne declines
in ira à servo tuo.

Adjutor meus esto ne derelinquas me : neq;
despicias me Deus salutaris meus.

Ne projicias me à facie tua : & Spiritum san-
ctum tuum ne auferas à me.

Quæ utilitas in sanguine meo : dum descen-
do in corruptionem. Gloria Patri.

PSALMUS SEXTUS.

Infirmus petit liberari ab hostibus suis.

EXurgat Deus & dissipentur inimici ejus : &
fugiant qui oderunt eum à facie ejus.

Sicut deficit fumus deficient : sicut fluit cera
à facie ignis, sic pereant peccatores à facie Dei.

Discedite à me omnes qui operamini ini-
quitatem : Quoniam exaudivit Dominus vo-
cem fletus mei.

Eripe

Eripe me de inimicis meis Deus meus: & ab insurgentibus in me libera me.

Eripe me de operantibus iniquitatem: & de vivis sanguinum salva me.

Quia ecce ceperunt animam meam: irruerunt in me fortes.

Persecutus est inimicus animam meam: humiliavit in terra vitam meam.

Erue à framea Deus animam meam: & de manu canis unicam meam.

Salva me ex ore leonis: & à cornibus unicornium humilitatem meam.

Eripe me de manu inimicorum meorum: & à persequentibus me.

Judica Domine nocentes me: expugna impugnantes me.

Apprehende arma & scutum: & exurge in adjutorium mihi.

Respice inimicos meos quoniam multiplicati sunt: & odio iniquo oderunt me.

Intende animæ meæ & libera eum: propter inimicos meos eripe me.

Ne quando rapiat ut leo animam meam: dum non est qui redimat neque qui salvum faciat.

Illumina oculos meos ne unquam obdormiam in morte: ne quando dicat inimicus meus, prævalui adversus eum.

Domine deduc me in iustitia tua: propter inimicos meos dirige in conspectu tuo viam meam.

Eripe me de inimicis meis ad te confugi: doce me facere voluntatem tuam, quia Deus meus es tu.

Et perdes omnes qui tribulant animam meam: quoniam ego servus tuus sum.

Gloria Patri.

PSALMUS SEPTIMUS.

Infirmus erigit fiduciam in Deum.

IN te Domine speravi, non confundar in æternum: in iustitia tua libera me.

Diligam te Domine fortitudo mea Dominus firmamentum meum, & refugium meum, & liberator meus.

Deus meus adiutor meus: & sperabo in eum.

Protektor meus & cornu salutis meæ: & susceptor meus.

Sustinuit anima mea in verbo ejus: speravit anima mea in Domino.

Quia apud Dominum misericordia: & copiosa apud eum redemptio.

Ego igitur in te Domine speravi: dixi Deus meus es tu, in manibus tuis sortes meæ.

Ad te Domine levavi animam meam: Deus meus in te confido non erubescam.

Neque irideant me inimici mei: etenim uni-

universi qui sustinent te non confundentur.

Conserua me Domine quoniam speravi in te : dixi Domino Deus meus es tu quoniam bonorum meorum non eges.

Custodi animam meam & erue me : non erubescam quoniam speravi in te.

Illustra faciem tuam super servum tuum : saluum me fac in misericordia : Domine non confundar quoniam invocavi te.

Miserere mei Deus miserere mei : quoniam in te confidit anima mea.

Et in umbra alarum tuarum sperabo : donec transeat iniquitas.

Dixi Domino susceptor meus es tu & refugium meum : Deus meus sperabo in eum.

Quoniam ipse liberabit me de laqueo venantium : & à verbo aspero.

Dominus adjutor meus & protector meus : in ipso speravit cor meum & adjutus sum.

Educ de custodia animam meam ad confitendum nomini tuo : me expectant justi donec retribuas mihi. Gloria Patri & Filio, &c.

Oblatio.

SUScipe sancta Trinitas hanc Psalmodiam quam tibi devoto corde pro salute hujus agonizantis persolvimus : & per virtutem verborum illorum, à Spiritu sancto Psalmistæ tuo dictatorum allevia angustias desolatæ animæ ejus.

Conforta eam contra tentationes Diabolicas,
 & muni eam contra omnem impatientiam.
 Adauge ipsi fidem, multiplica ipsi fiduciam, &
 accende in ea charitatem. Purifica eam ab o-
 mnibus maculis peccatorum: & condona ipsi
 pœnas delictis ejusdem præparatas. Ut à vin-
 culo terrenæ contagionis citius soluta, per ma-
 nus SS. Angelorum tibi Creatori, Redemptori,
 & Salvatori suo pura præsentari, & æternas tibi
 gratias cum omnibus Sanctis tuis personare me-
 reatur. Qui vivis & regnas in sæcula sæculorum.
 Amen.

Suspirium Infirmi.

*Taulerus in Exhort ad felicem mortem num. 4. scri-
 bit, cuidam revelatum esse neminem periturum qui mo-
 riens sequentia verba cum fiducia pronuntiaverit, aut
 ab alio prolata cum affectu auscultaverit.*

Domine Deus, ego sum miser ille, quem tu
 paternâ tuâ omnipotentiâ, propter te cre-
 asti: & per ignominiosam mortem unigeniti
 tui, de potestate inimici redemisti: atque per
 bonitatem Spiritus sancti in Filium adoptasti.
 Unde tu solus imperium & dominium in me
 habes: meque salvare potes, propter immen-
 sam misericordiam tuam. In qua spero & confi-
 do, quamq; devotissimè imploro. Amen.

Instructio ad Infirmarium.

*Dum infirmus vergit ad Agonem infirmarius cogitet
 quod jam maximum periculum damnationis appropin-
 quet:*

quet : quia Diabolus omnem vim suam exerit , ut eum disperdat. Vnde infirmarius omnem quoque vim suam exerat, ut periclitanti animæ succurrat. Quod si non fecerit, & suâ negligentia anima pereat , certe Deus requireret sanguinem illius de manu sua. O quam multe anime salvarentur , quæ æternaliter pereunt , quia in extremo periculo non habuerunt adjuvantem se. Vnde merito talis Agonizans conqueritur cum Psalmista dicens : Quoniam tribulatio proxima est : & non est qui adjuvet. Aperuerunt super me os suum, sicut leo rapiens & rugiens. Tu autem Domine ne clongaveris auxilium tuum à me : ad defensionem meam conspice.

Præ cæteris summe necessarium est, ut frequenter eum aspergat : quia hoc multum confortat animam.

Est etiam valde pium & utile , appendere ad collum, vel ponere super pectus infirmi crucem Hispanicam, crucem Thuribicam , Agnum Dei à Pontifice benedictum , Nomen Iesu scriptum seu impressum grana S. Ioanna, & coronam Christi seu Rosarium benedictum : quia hæc omnia habent magnam efficaciam contra Diabolum, ejusque noxias tentationes. Si verò infirmus haberet unum vel alterum Nummisma seu imagines aut Rosarium, quæ haberent Indulgentias, illa dantur infirmo in manus, aut si tenere nequeat, ponantur super pectus, & dicatur ei quod invocet nomen IESV & MARIE ad lucrandas indulgentias.

De Exhibitione Crucifixi.

Detur quoque infirmo crux in manus ad eliciendos affectus compassionis erga Christum. Quia per unum talem affectum disponitur anima ad accipiendam Divinam gratiam : ideo sæpius danda est ei crux in manus, ad eam deosculandam. Vt autem infirmus majorem efficaciam ab illa accipiat, Sacerdos eandem, si nondum est benedicta, benedicat benedictione infra in Libell. Bened. posita.

Sacerdos prabens crucem infirmo dicat.

Accipe Frater charissime, crucem hanc benedictam, & aspiciendo eam recordare quanta redemptor tuus pro te passus sit. Osculare sacratissima ejus vulnera, & ad singula dic cum devotione.

Ad vulnus sinistri pedis.

O Mi Jesu crucifixe, exosculor sacrum vulnus sinistri pedis tui: rogans ut propter illud ignoscas mihi peccata mea.

Ad vulnus dextri pedis.

O Mi Jesu crucifixe, exosculor sacrum vulnus dextri pedis tui: rogans ut propter illud ignoscas mihi peccata mea.

Et sic consequenter ad alia vulnera.

Ad imaginem B. Mariæ V.

Porrigatur etiam infirmo statua seu imago B. Virginis, si habeatur: ut eam osculando affectus amoris erga eam excitet. Porrigens ergo eandem Sacerdos dicat infirmo:

Ecce imaginem B. Mariæ V. dulcissima Matris & Patronæ tuæ: osculare ergo eandem dicens:

Dulcissima Virgo Maria, dilectissima Patrona mea; cum omni affectu amoris exosculor te; rogans ut intercedas pro me apud dilectum Filium tuum.

Ad Porrectionem Candelæ

Piissimus mos est, ut sub Agone detur infirmo candela ardens & benedicta in manus: id quod nequaquam inter-

termitti debet. Si igitur candela non sit benedicta, benedicat eam Sacerdos indutus stolâ, hoc modo.

Benedictio Candelaë.

Adjutorium, &c. Domine exaudi, &c,
Dominus vobiscum. Oremus.

Domine Jesu Christe, Fili Dei vivi, qui dixisti; Sint lumbi vestri præcincti, & lucernæ ardentes in manibus vestris: bene & dicere dignare candelam istam: & infunde ei per virtutem sanctæ Crucis benedictionem cælestem. Talemque benedictionem signaculo S. Crucis accipiat, ut quibuscunque in locis accensa, aut à quibuscunque infirmis in manibus portata fuerit, discedant & contremiscant principes tenebrarum, & fugiant pavidum cum omnibus ministris suis. Nec præsumant inquietare, molestare aut tentare famulos tuos, qui eam ob honorem tuum in manibus suis gestaverint. Tu Domine, qui es lumen ad revelationem gentium, & illuminas omnem hominem venientem in hunc mundum: digneris illuminare intellectum eorum, qui lumen hoc devotè susceperint: ut cognoscant te solum verum Deum, & patrem tuum cælestem: Qui cum eo, & Spiritu S. vivis & regnas in sæcula sæculorum. Amen.

Aspergatur Aquâ benedictâ.

*Porrigendo agonizanti candelam in manus, si adhuc
audiat, dicat:*

Accipe Frater charissime, candelam ardentem & benedictam in manus tuas : ut pateat quod in vivâ fide velis mori, & venienti dilecto Sponso tuo cum lampade ardente occurrere. Dic ergo ad eum hæc aut similia verba.

O Mi dulcissime Jesu, qui es lux vera & viva, illumina quælo tenebras meas, ut cognoscam immensam bonitatem tuam. Ut cognoscam abyssalem malitiam meam. Et ut cognoscam fallaces insidias Diaboli. Amen.

O Domine Jesu Christe, protestor quod in viva fide mori velim. protestor quod in firma spe mori velim. protestor quod in ardenti charitate mori velim. In signum hujus porto hanc candelam ardentem & benedictam in manibus meis.

O Domine Jesu Christe, lumen ardens, lumen illuminans, lumen inflammans; illustra me claritate tua: accende me charitate tua: inflamma me dilectione tua. Ut cor meum ardeat amore tuo, & comburatur ardore spiritus tui. Amen.

Sub Expiratione infirmi.

Quamdiu infirmus adhuc habet auditum, Sacerdos ei assistens omni diligentia conetur, ut conservet eum in fide, spe & charitate. Frequenter etiam suggerat ei sequen-

quentes Aspiraciones: aut si malit, sumat illas germanicas qua habentur parte quartâ, circa finem. Quas infirmus, si voluerit & potuerit sub silentio proferat, aut saltem corde ruminet. Astantes vero, dum Sacerdos ei in aurem acclamat, continuò orent; dicentes aut simul, aut solitariè Litanias, aut præmissos septem Psalmos Infirmorum, aut alias preces: quibus Diaboli vis plurimum enervatur, & angustiatâ infirmi anima plurimum refocillatur.

ASPIRACIONES

Morituro suggerenda.

Jesus Maria. Jesus Maria. Jesus Maria.

Jesu Fili Dei, miserere mei.

Jesu Fili Mariæ, miserere mei.

Jesu Fili David, miserere mei.

O piissime Jesu! O mitissime Jesu! O dulcissime Jesu.

Jesu succurre mihi. Jesu assiste mihi. Jesu propitiare mihi.

Propter dirissimam Passionem tuam miserere mei. Propter amarissimam mortem tuam, miserere mei. Propter infinitam bonitatem tuam, miserere mei.

Recordare Jesu pie: quod sum causa tuæ viæ: ne me perdas illâ die.

Quærens me sedisti lassus: redemisti crucem passus: tantus labor non sit cassus.

Iuste Judex ultionis: donum fac remissionis: ante diem rationis.

Inge-

Ingemisco tanquam reus: culpa rubet vultus meus: supplicanti parce Deus.

Preces meæ non sunt dignæ; sed tu bonus fac benignè, ne perenni cremer igne.

Piissime Jesu, recordare obsecro, quanta pro me passus sis. Recordare ô Jesu, quomodo in cruce pependervis. Recordare ô Jesu, quam amarâ morte, mortuus sis.

Propter illas pœnas tuas, miserere mei. Propter amaram mortem tuam, miserere mei. Propter effusum sanguinem tuum, miserere mei.

Credo in te O mi Jesu. Spero in te, O mi Jesu. Diligo te, O mi Jesu.

Firmissimè credo in te: firmissimè spero in te. Cordialissimè diligo te.

Diligo te ô Jesu, ex toto corde meo. Diligo te ô Jesu, ex tota anima mea. Diligo te ô Jesu, ex omnibus viribus meis.

Amore tui ô Jesu, doleo de peccatis meis. Quia amo te ô Jesu, ideo doleo de peccatis meis. Quia tu es, dulcis Jesus meus, ideo doleo de peccatis meis.

O utinam mi Jesu, nunquam te offendissem. O utinam mi Jesu, nunquam peccassem. O utinam mi Jesu, semper te dilexissem.

Propono firmiter, nunquam amplius peccare. In æternum non peccare. In æternum te amare.

Ah ignosce mihi, ô piissime Jesu. Ah remitte mihi, ô mitissime Jesu. Ah condona mihi, ô dulcissime Jesu.

Omnia peccata mea, demergo in abyssum, misericordiæ tuæ. Et in cruenta vulnera tua: & in transfixum cor tuum.

Pro satisfactione eorum, offero tibi amarissimam passionem tuam; pretiosissimum sanguinem tuum, & infinitam satisfactionem tuam.

Confido in bonitate tua, quod mihi ignoveris: quod peccata mea deleveris: quod promeritas pœnas, mihi condonaveris.

Amore tui ô Jesu, libenter moriar. In honorem mortis tuæ, mortem suscipiam: in gratitudinem passionis tuæ, libens perferam, diros mortis dolores.

O bone Jesu, suscipe spiritum meum. Suscipe dolores meos: suscipe animam meam.

In manus tuas Domine, comendo spiritum meum. In cor tuum Domine, commendo cor meum. In mortem tuam Domine, commendo mortem meam.

O Jesu tibi vivo. O Jesu tibi morior.

O Jesu sis mihi Jesus. O Jesu sis mihi Saluator.

Ad Beatam Virginem.

Maria Mater gratiæ: Mater misericordiæ. Tu nos ab hoste protege, & hora mortis suscipe. Sancta

Sancta Maria, succurre mihi: S. Maria assiste mihi: S. Maria miserere mihi.

O clemens, ô pia, ô dulcis Virgo Maria. Illos tuos misericordes oculos, ad me converte: & Jesum benedictum fructum ventris tui mihi ostende.

Propter amorem Filii tui, miserere mei. Propter amatissimam mortem ejus, ora pro me.

Recordare ô piissima, quomodo sub cruce steteris. Recordare quomodo Filio tuo compassa sis. Propter illam cordialissimam compassionem, compatere mihi afflictissimo.

Monstra te esse Matrem. Monstra te esse patronam meam: ut intercedas pro me apud severum Judicem.

Dulcissima Virgo, tu scis quia amo te: tu scis quia post Deum, in te pono maximam fiduciam meam.

In te Domina speravi, non confundar in æternum.

Recordare, ô dilectissima, quoties tibi agonem meum commendaverim. Recordare quoties te rogaverim, ut assisteres mihi: ergo nunc præsta, quod toties rogavi.

In manus tuas Domina, commendo spiritum meum. In cor tuum piissimum commendo agonem meum.

S. Joseph, ora pro me. S. Joannes Evangel ora pro me. S. Barbara ora pro me.

Con.

Confessarius vel Sacerdos morituro assistens, tempestive eum admoneat, ut quando vox ipsum destituerit, capitis nutu, vel manus compressione sibi indicet, an iterum desideret sacramentaliter absolvi, & tunc ipsum absolvat, toties quoties, quia quo sapius, eò melius.

Generalis Absolutio,

danda Religiosis in mortis Articulo.

Sciendum quod qui hanc Absolutionem consequi voluerit, per unum integrum Annum, (non autem omnibus annis vite suae) semel in qualibet Hebdomada septem Psalmos pœnitentiales cum Litaniis recitare debeat. Qui autem ex oblivione aut legitimo impedimento eosdem in una aut pluribus Septimanis omisisset, in alia septimana, aut aliis septimanis sequentis anni supplere debet. Nescientes verò legere illud orent aut faciant, quod Confessarii arbitrio illis fuerit injunctum. Ita concessit Eugenius IV. & confirmavit Pius II.

Sacerdos stola violacea indutus stans dicat.

Misereatur tui, &c. Indulgentiam, &c.

Dominus noster Jesus Christus, per merita suæ sanctissimæ Passionis te absolvat, & gratiam tibi infundat. Et ego auctoritate ipsius & beatorum Apostolorum Petri & Pauli, summique Pontificis mihi in hac parte commissa & tibi concessa, absolvo te ab omni vinculo Excommunicationis majoris vel minoris, vel sententiæ suspensionis & interdicti; & dispense te cum in omnibus Irregularitatibus, si quas contraxisti: & restituo te unioni & participationi Fidelium, nec non sanctis Sacramentis Ecclesiæ.

Eâdem

Eâdem auctoritate absolvo te ab omni transgressione votorum tui Ordinis, ac Statutorum Papalium, ac Provincialium: Custodialium, Localium & Synodaliū quorumcunque. Eâdem auctoritate absolvo te ab omni Officio Divino malè persoluto, & Horis indebitè transpositis vel dimissis. Item eâdem auctoritate ego te absolvo ab omnibus peccatis tuis, quibus contra Deum ex fragilitate humanâ, ignorantia vel malitiâ deliquisti: concedenstibi remissionem & indulgentiam plenariam omnium peccatorum tuorum confessorum: & cunctorum de quibus etiam non recordaris, aut oblitus fuisti: in quantum claves Ecclesiæ se extendunt. Item eâdem auctoritate absolvo te à pœnis Purgatorii, quas pro peccatis commissis, & delictis in hoc mundo perpetratis meruisti: restituendo te illi statui innocentia, in quo eras, quando baptizatus fuisti. In nomine Patris & Filii, & Spiritus sancti. Amen.

Quod si hâc vice non discesseris, servo tibi hanc gratiam usque ad extremum mortis tuæ articulum.

Aspergat eum Aquâ benedictâ.

Tres Orationes miræ virtutis,

à circumstantibus dicendæ, dum infirmus agonizat.

Dum quidam Papa moriturus rogaret suum Sacellānum, ut has tres Orationes in agone suo pro se legeret, illeq; fecisset, post obitum apparuit ille defunctus dicens,

virtus

virtute illarum peccata sua à Christo deleta esse Bar-
thol. de Angelis, Ord. Præd. lib. de felici præp. ad mort.

Oratio prima.

Domine Jesu Christe, per agoniam tuam
atque devotissimam illam Orationem,
quam in monte Oliveti orasti, quando factus est
sudor tuus sicut guttæ sanguinis decurrentis in
terram: deprecor te, ut eundem sudorem san-
guineum, quem præ timore mortis tam copiose
sudisti, cœlesti Patri tuo offerre & ostendere di-
gneris contra multitudinem peccatorum hujus
infirmi: & velis eum in hora obitus sui liberare
ab omnibus angustis & pœnis, quas pro pecca-
tis suis se timet meruisse. Amen.

Kyrie eleyson. Christe eleyson. Kyrie eleyson.
Pater noster, &c. Ave Maria.

2. Domine JESU Christe, qui pro salute
mundi in dura cruce mori dignatus es: depre-
cor te, ut amaritudinem illam quam in eadem
sustinuisti: præsertim quando sacratissima ani-
ma tua egressa est de benedicto corpore tuo,
cœlesti Patri tuo offerre & ostendere digneris
pro peccatrice anima hujus infirmi: eamq; in
horâ mortis sue liberare velis ab omnibus pœnis
& cruciatibus, quos pro peccatis suis se timet
meruisse. Amen.

Kyrie eleyson. Christe eleyson. Kyrie eleyson.
Pater noster. Ave Maria.

3. Do-

3. Domine Jesu Christe, qui per Prophetam tuum dixisti: In charitate perpetua dilexi te, ideo attraxi te miserans tui: rogo te per amorem illum, qui te de cœlis ad terram ad patiendam omnem miseriam detraxit, ut eundem cœlesti Patri tuo offerre & ostendere digneris pro anima hujus infirmi: eamque liberare ab omnibus pœnis & cruciatibus, quos pro peccatis suis se timet meruisse. Adsis ei pie Jesu in hac hora mortis suæ, aperi ei januam vitæ, & perduc animam ejus in paradisum exultationis: ubi te laudet per infinita sæcula. Amen.

Kyrie eleyson. Christe eleyson. Kyrie eleyson.
Pater noster. Ave Maria.

Sub Agone Infirmi.

Circumstantes non stent otiosi, sed continuò pro eo orent, dicentes suprapositas Litanias & Psalmos alternis Choris. Sacerdos autem vel Infirmarius subinde inclamet suavi voce unum pium suspirium: licet agonizans putetur perdidisse auditum. Sape enim morientes audiunt, licet nullo signo exteriori indicare valeant.

Nequaquam autem debent omitti preces pro commendatione animæ ab Ecclesia ordinatæ: quia illæ sunt efficacissima, & super quolibet agonizante, si morbus non sit contagiosus, dici debent: uti pluribus indicat, & Patrochis inculcat Agenda Romana. Preces autem illæ idcirco hic omisse sunt, quia omnibus sunt obvia, & in omnibus Agendis, Breviariis & Diurnalibus habentur.

*Valde etiam utile est infirmum sapè à Sacerdotibus benedici, cum benedictiones Sacerdotales magnam habeant efficaciam. Placeat ergo Sacerdoti Benedictione s
illas,*

illas, infra in Libello Infirmorum positas, usurpare, & frequentius super infirmum, tam ante, quam sub agone pronuntiare.

IN EXPIRATIONE

Ipse moriens, si potest, dicat: aut ei assistens clarâ voce pronuntiet.

Jesus Maria. Jesus Maria. Jesus Maria.

JIn manus tuas Domine commendo spiritum meum.

Domine Jesu suscipe spiritum meum.

Sancta Maria, ora pro me. S. Joseph ora pro me. S. Barbara, ora pro me.

Jesu fili Dei, miserere mei. Jesu fili Mariæ, miserere mei. Jesu credo in te. Jesu spero in te. Jesu diligo te. Jesu tibi vivo. Jesu tibi morior. O bone Jesu esto mihi Jesus.

Egressâ animâ statim dicatur Respons.

Subvenite Sancti Dei, occurrite Angeli Domini; suscipientes animam ejus, offerentes eam in conspectu Altissimi. Suscipiat te Christus, qui vocavit te; & in sinum Abrahamæ Angeli deducant te. Suscipientes animam ejus, offerentes eam in conspectu Altissimi. Requiem æternam dona ei Domine. Et lux &c. Offerentes eam in conspectu Altissimi. Kyrie eley. Christe &c.

Pater noster. Et ne nos inducas.

Requiem æternam, &c. A porta inferi.

Erue Dñe animam ejus. Requiescat in pace.

Dne exaudi. Dns vobisc.

Ore-

Tibi Domine commendamus animam famuli tui N. ut defunctus sæculo tibi vivat: & quæ per fragilitatem humanæ conversationis peccata commisit, tu veniâ misericordissimæ pietatis tuæ clementer absterge.

Domine Jesu Christe rex gloriæ, libera animam famuli tui de pœnis inferni, & de profundo lacu; libera eam de ore leonis, ne absorbeat eam tartarus; ne cadat in obscurum; sed signifer S. Michaël repræsentet eam in lucem sanctam; quam olim Abrahæ promisti & semini ejus. Gemitus & preces tibi Domine offerimus, tu suscipe pro anima illa quæ modo de hac vita migravit. Fac eam Domine, de morte transire ad vitam illam, quam olim Abrahæ promisti & semini ejus. Qui vivis & regnas in sæcula sæculorum. Amen. Requiem æternam.

Requiescat in pace. *Quinq; Pater & Ave.*

F I N I S

LIBRI INFIRMORUM.

Sequitur

LIBELLUS BENEDICTIONUM.



Martin

Infirmittatis humanae praesidium, sive libellus infirmorum germanico
superadditus in quo breviter & practicè traditur quomodo administranda
sint sacramenta infirmis. Deinde, quomodo pie assistendum sit moribundis.
Tertio, quomodo devote orandum super agonizantibus

Francofurti ad Moenum 1686

Augsburg, Staats- und Stadtbibliothek -- Th Lt K 93
urn:nbn:de:bvb:12-bsb11289116-8